


重刻通典



		五	漢
		一	書
		六	門
四	四	〇	
八	八	九	
册	架	函	號

庫文閣内			
九	五		漢
三	一		
函	六		書
一	四	〇	
六	八	〇	
架	册	號	類

内閣文庫			
番號	漢	5160	
册數	48 (28)		
函號	293	124	

百十五至百十八



通典卷第一百十五

唐 京 兆 杜 佑 君 卿 纂

禮七十五 開元禮纂類十 吉七

皇帝孟春吉亥享先農 攝事附

齋戒

前祀五日皇帝散齋三日於別殿致齋二日一日於太極殿一日於行宮餘同上辛儀

陳設

前享三日陳設如圓丘儀前享二日太樂令設宮懸樂如圓丘儀唯樂懸樹路鼓為瘞埴於壇壬地外壝之內

乾隆十二年校刊

通典卷第一百十五

為異前享一日奉禮設御位如圓丘儀唯設望瘞位於

內壝東門之內道南又設奉禮位於瘞埴西南東面南

上為異攝事右校掃除壇之內外前享二日衛尉設享

設陳饌慢於內壝東門外道南北向太樂令設宮懸前

享一日奉禮郎設享官公卿位於內壝東門內道北執

事位於道南西向北上設御史位於壇下如式又設奉

禮位於樂懸東北贊者二人在南差退俱西向北上又

設奉禮贊者位於瘞埴東面南上設協律郎位於壇上

南陛之西東向太樂令於北懸間享官門外位皆於東

壝外道又設御耕籍位於外壝南門之外十步所南向

設從耕位三公諸王諸尚書諸卿位於御座東南重行

西向各依推數為列其公王尚書卿等非耕者位於耕

者之東重行西向俱北上介公鄒公位於御位西南東

向以北為上尚舍設御耒席於三公之北少西南向奉

禮又設司農卿位於御耒席東少南西向虞犧令於司

農卿之南少退諸執耒耜者位於公卿耕者之後非耕

者之前西面御耒耜一具三公耒耜三具諸王尚書卿

籍田農人執之攝事無設酒罇之位於壇上神農氏犧

罇二象罇二山壘二東南隅北向后稷氏犧罇二象罇

二山壘二在神農酒罇之東俱北向西上罇皆加勺罇

設御洗於壇南陛東南亞獻之洗於東陛之南俱北向

執罇罍篚冪者各位於罇罍篚冪之後設幣篚於壇上

各於罇坫之所晡後郊社令帥齋郎以坫罍洗篚冪入

設於位升壇者謁者引光祿卿詣厨視濯漑凡導引者每曲一遂

巡贊引引御史詣厨省饌具光祿卿以下每事訖各還罇所享日未明

十五刻太官令帥宰人以鸞刀割牲祝史以豆取毛血

各置於饌所遂烹牲未明五刻太史令郊社令各服其

服升設神農氏神座於壇上北方南向設后稷氏神座

於東方西向席皆以莞設神位於座首

鑾駕出宮

乘耕根車於太極殿前餘同圓丘儀

饋享

享日未明三刻諸享官及從享之官各服其服郊社令

良醞令帥其屬入實罇罍及幣儀罇實以醴齊象罇實以盞

齊皆加明水酒皆加元酒各實於上罇幣皆以青太官令帥進饌者實諸豆

簋簠等入設於饌幔內未明二刻奉禮帥贊者先入就

位其御史及禮官等入再拜掃除及就位如圓丘儀未

明一刻謁者贊引各引享官以下就門外位司空行掃

除及從享羣官客使等次入就位並如圓丘儀攝事自未明三

刻至此與正儀同初未明三刻諸衛列大駕仗衛陳設如式侍

中版奏外辦請中嚴乘黃令進耕根車於宮南門外迴

車南向若行宮去壇稍遠嚴警如式未明一刻侍中版奏外辦質明

皇帝服袞冕乘輿以出繖扇華蓋侍衛如常儀侍中負璽陪從

如皇帝升車訖乘黃令進耒太僕受載如初黃門侍郎
奏請鑾駕發引還侍位鑾駕動之大次並如圓丘儀郊
社令以祝版進御署訖近臣奉出郊社令受各奠於坩
如圓丘儀初皇帝降車訖乘黃令受耒耜授廩犧令而
橫執之左其耜之耜所置於席遂守之凡執耒耜皆橫
後其皇帝停大次半刻頃其奏辦出次太常卿請行事
並如圓丘儀攝事衆官拜訖謁者白太尉有司謹協律
郎舉麾工鼓祝以角音奏永和之樂以姑洗之均自後
皆奏姑洗作文武舞樂舞三成偃麾戛鼓樂止太常卿前奏
稱請再拜退復位皇帝再拜及奠玉幣奏樂之節並如

圓丘儀

攝事謁者引太尉升奠幣

太常卿引皇帝進北面跪奠於神

農氏神座俛伏興太常卿引皇帝少退北向再拜訖太
常卿引皇帝又立於西方東向又太祝以幣授侍中侍
中奉幣北向進皇帝受幣太常卿引皇帝進東面跪奠
於后稷氏神座俛伏興太常卿引皇帝少退東面再拜
訖登歌止太常卿引皇帝樂作皇帝降自南陛還版位
西向立樂止初羣官拜訖祝史奉毛血之豆立於門外
於登歌止祝史奉毛血入升自南陛配座升自東陛太
祝迎取於壇上進奠於神座前太祝退立於罍所皇帝
既升奠幣太官令出帥進饌者奉饌陳於內壝門外謁

者引司徒出詣饌所司徒奉神農之俎皇帝既至版位

樂止攝事太官令引饌入俎初入門雍和之樂作饌至

陛樂止祝史進徹毛血之豆降自東陛以出神農氏之

饌升自南陛配座之饌升自東陛太祝迎引於壇上各

設於神座前籩豆蓋羃先徹乃升籩設訖謁者引司徒

以下降自東陛復位太祝各還罇所太常卿引皇帝攝事

謁者引詣罇洗樂作其盥洗奏樂及齋郎奉俎並如圓

丘之儀太常卿引皇帝詣神農氏酒罇所執罇者舉羃

侍中贊酌醴齊訖壽和之樂作皇帝每酌獻及飲太常

卿引皇帝進神農氏神座前北向跪奠爵俛伏興太常

卿引皇帝少退北向立樂止太祝持版進於神座之右

東面跪讀祝文曰維某年歲次月朔日子開元神武皇

帝某攝事云謹遣敢昭告於帝神農氏獻春伊始東作

方興率由典則恭事千畝謹以制幣犧齊粢盛庶品肅

備常祀陳其明薦以后稷氏配神作主尚饗訖興皇帝

再拜攝事太尉再初讀祝文訖樂作太祝進跪奠版於

神座興還罇所皇帝拜訖樂止太常卿引皇帝詣后稷

氏酒罇所酌獻樂作並如神農氏太祝持版進於神座

之右北向跪讀祝文曰維某年歲次月朔日子開元神

武皇帝某敢昭告於后稷氏土膏脉起爰修耕籍用薦

常事於帝神農氏惟神功協稼穡寔允昭配謹以制幣
 犧齊粢盛庶品式陳明薦作主侑神尚饗訖興皇帝再
 拜初讀祝文訖樂作太祝進跪奠版於神座俛伏興還
 樽所皇帝拜訖樂止太常卿引皇帝進神農氏神座前
 北向立樂作太祝各以爵酌上樽福酒攝事太祝酌壘福酒其飲
 福受胙樂舞等並如圓丘儀攝事亦同初皇帝將復位
 謁者引太尉詣壘洗攝事謁者引太常卿為亞獻盥手洗爵訖謁者
 引太尉自東陞升壇詣神農氏象罇所執罇者舉罇太
 尉酌盞齊武舞作謁者引太尉進神農氏神座前北向
 跪奠爵興謁者引太尉少退北向再拜謁者引太尉詣

后稷氏象罇所取爵於坩執罇者舉罇太尉酌盞齊謁
 者引太尉進后稷氏神座前東向跪奠爵興謁者引太
 尉少退東向再拜謁者引太尉進神農氏神座前北向
 立太祝各以爵酌壘福酒合置一爵一太祝持爵進太
 尉之右西向立太尉再拜受爵跪祭酒遂飲卒爵太祝
 進受爵復於坩太尉興再拜謁者引太尉降復位初太
 尉獻將畢謁者引光祿卿詣壘洗盥手悅爵升酌盞齊
 終獻如亞獻之儀訖謁者引光祿卿攝事降復位武舞
 止諸祝各進跪徹豆興還罇所徹者邊豆各一少多於故處奉禮曰
 賜胙贊者唱衆官再拜在位者皆再拜已飲福者不拜永和之

樂作太常卿前奏稱再拜退復位皇帝再拜奉禮日衆
 官再拜在位者皆再拜樂一成止太常卿前奏請就望
 瘞位奉禮帥贊者就瘞埴西南位太常卿引皇帝太和
 之樂作皇帝就望瘞位北向立樂止於羣官將拜祝各
 執篚進神座前取幣各由其陞降壇詣埴以幣置於埴
 訖奉禮日可瘞東西各四人寘土半埴太常卿前奏禮
 畢請就耕籍位攝事謁者進太尉之左白禮畢太常卿
 引皇帝樂作皇帝詣耕籍位南向立樂止初白禮畢奉
 禮帥贊者還本位攝事無詣耕籍位

耕籍

皇帝將詣望瘞位謁者引三公及應從耕侍耕者各就
 耕位司農先就位諸執耒者皆就位皇帝初詣耕位廩
 犧令進詣御耒席北面跪俛伏搢笏解耒韜出執耒
 起少退北面立司農卿受耒以授侍中侍中奉耒進皇
 帝受以三推侍中前受耒耜反於司農司農反於廩犧
 令訖還本位廩犧令復耒於韜執耒起復位立皇帝初
 耕執耒者以耒耜各授侍耕者皇帝耕訖三公諸王五
 推尚書卿九推訖執耒者前受耒耜退復位侍中前奏
 禮畢退復位太常卿引皇帝入自南門還大次樂作皇
 帝出自內壝東門殿中監前受鎮珪以授尚衣奉御殿

中監又前受大珪華蓋侍衛如常儀皇帝入次樂止謁者贊引各引享官及從享羣官諸方客使以次出贊引引御史太祝以下俱復執事位立定奉禮曰再拜御史以下皆再拜贊引引出工人二舞以次出太常卿率其屬以次耕於千畝其祝版燔於齋所

鑿駕還宮 郊園丘儀

勞酒

車駕還宮之明日設會於太極殿如元會儀 唯不賀不壽為異

皇后季春吉巳享先蠶 攝事附

齋戒

先祀五日散齋三日於後殿致齋二日於正殿前致齋一日尚寢設御幄於正殿西序及室中俱東向致齋之日晝漏上水一刻尚儀版奏請中殿尚服帥司仗布侍衛司賓引內命婦陪位並如式六尚以下各服其服詣後殿奉迎尚儀版奏外辦上水三刻皇后服鈿釵禮衣結珮乘輿出自西房華蓋警蹕侍衛如常儀皇后即御座東向坐六尚以下侍衛如常一刻頃尚儀前跪奏稱尚儀妾姓言請降就齋室興退復位皇后降座乘輿入室六尚以下各還寢直衛者如常司賓引陪位者退散齋之日內侍帥內命婦之吉者使蠶於蠶室 攝事無以上儀 凡

應享之官散齋三日於其寢致齋二日一日於其寢一

日於享所亞獻終獻則致齋六尚以下應從升者及從

享內外命婦各於其寢清齋一宿諸應享之官致齋之

日給酒食及明衣各習禮於齋所光祿卿監取明水火

太官令取水於陰鑑取火於陽燧火以供爨水以實罇前享一日諸衛令其屬未

後一刻各以其方器服守衛壝門每門二人每隅一人

與女工人等俱清齋一宿攝事同

陳設

前享三日尚舍直長施大次於外壝東門之內道北南

向尚舍奉御鋪御座尚舍直長設內命婦及六尚以下

次於大次之後俱南向守宮設外命婦次大長公主長

公主公主以下於南壝之外道西三公夫人以下在其

南俱重行每等異位東向北上設陳饌幔於內壝東門

之外道南北向攝事守宮設享官次於東壝內道南北

向北前享二日太樂令設宮懸之樂於壇南內壝之內如

圓丘儀諸女工人各為位於懸後東方西方以北為上

南方北方以西為上右校掃除壇之內外又為瘞瘞於

壇之壬地內壝之外方深取足容物南出陛又為採桑

壇於壇南二十步所方三丈高五尺西出陛尚舍量施

帷帳於外壝之外四面開門其東門使容厭翟車前享

乾隆十二年校刊

一日內謁者設御位於壇之東南西向設望瘞位於壇之西南當瘞埒西向設亞獻終獻位於內壝東門之內道南執事者位於其後每等異位俱重行西向北上設典正位於壇下一位於東南西向一位於西南東向女史各陪其後設司贊位於樂懸東北掌贊二人在南差退俱西面又設司贊掌贊位於瘞埒西南東面南上設典樂舉麾位於壇上南陛之西東向設司樂位於北懸之間當壇北向設內命婦位於終獻之南每等異位重行西面北上設外命婦位於中壝南門之外大長公主以下於道東西向當內命婦位差退太夫人以下於道

西去道遠近准公主俱每等異位重行相向北上又設御採桑位於採桑壇上東向設內命婦採桑位於壇下當御位東北每等異位南向西上設外命婦採桑位於壇下當御位東南每等異位北向西上設執御鉤筐者位於內命婦之西少南西上向功執鉤筐者位各於其採桑位之後設內命婦執鉤筐者位各於其採桑位之後向功下四典執鉤筐者位各於其採桑位之後設門外位享官於東壝之外道南從享內命婦於享官之東俱每等異位重行北面西上從享外命婦於南壝之外道西如設次之式攝事內謁者設三獻位於內壝東門之西面以北為上又設望瘞位於壇之東北當瘞埒道西向又設典正位於壇下一位於東南西向一位於西南

乾隆十二年校刊

通典卷一百五 禮七十五

東向女史各陪其後糾察違失設掌贊位於樂懸東北
女史二人在南差退俱西向設掌贊女史位於瘞垣西
 南東向南上設典樂舉麾位於壇上南陛之西東向設
司樂位於北懸之間當壇北向設三獻以下門外位於
 東壇之外道南每等異位北
面西上無設御位下至此儀設酒罇之位於壇上東南
 隅北向西上犧罇二象罇二山罇二
罇皆加勺罇有坫以置爵設御
 洗於壇南陛東南攝事無御洗亞獻之洗又於東南俱北向
 罍水在洗東篚在洗西南肆篚實以中爵執罇罍篚罍者位
 於罇罍篚罍之後設幣篚於壇上罇坫之所晡後內謁
 者帥其屬以罇坫罍洗篚罍入設於位升壇者自東陛享日未
 明十五刻太官令帥宰人以鸞刀割牲祝史以豆取毛
 血置於饌所遂烹牲其神厨及諸司供事便次守宮與金吾相之量於壇東張設享

日未明五刻司設服其服升設先蠶氏神座於壇上北
 方南向席以莞設神位於座首

車駕出宮

前享一日金吾奏請外命婦等應集壇所者並聽夜行
 其應採桑者四人各具女侍者進篚鉤載之而行監門
 先奏請享日未明四刻開所由苑門諸親及命婦以下
 以次入詣壇南次所各服其服其應採桑者篚鉤各具
 女侍者執授內謁者監內謁者監受之以授執鉤篚者
 享日未明三刻搥一鼓為一嚴三嚴時節前日內侍奏裁未明二刻
 搥二鼓為再嚴尚儀版奏請中嚴內命婦各服其服所

司陳車駕鹵簿未明一刻搥三鼓為三嚴司賓引內命婦入立於庭重行西面以北為上六尚以下各服其服俱詣室奉迎尚服負寶如式內僕進厭翟車於閣外尚儀版奏外辨馭者執轡皇后服鞠衣乘輿以出華蓋侍衛警蹕如常內命婦從出門皇后升車尚功司製進筐鉤載之仗衛如常內命婦及六尚等乘車陪從如式其內命婦應採桑者四人各服其服典製等進筐鉤載之諸翊駕之官皆乘馬駕動警蹕如常不鳴鼓吹諸衛前後督攝如常內命婦宮人以次從

饋享

享日未明三刻諸享官各服其服尚儀及司醞各帥其屬攝事則女史及屬司醞各帥其屬入實罇罍及幣儀罇實以醴齊象罇實以盎齊山罍實以清酒齊加明水酒加元酒太官令實諸籩豆簋簠俎等各實於上罇其幣以黑內謁者帥其屬詣厨奉饌入設於饌幔內內侍之屬與其牲之內不上神俎者亦太官付內謁者同時進入以供頌胙自餘供享之物並請祠前一日先入駕將至女相者引先置享官典內引引命婦俱就門外位者以尚儀下女史充攝事質明女相者引享官以下就遺外位掌贊帥女史先入就位女相者引典正女祝女史祝史典女執罇罍篚罍者入自東門當壇南北面西上立定掌贊日再拜女史承傳典正以下皆再拜訖典正以下各就位司樂帥女工入就位女駕至大次門外祝以典贊充女祝史以典贊下女史充迴車南向尚儀進車前跪奏稱尚儀妾姓言請降車與

還侍位皇后降車乘輿之大次華蓋繖扇侍衛如常儀
 尚儀以祝版進御署訖奉出奠於坵初皇后降車訖尚
 功司製進受鉤筐以退內命婦鉤筐則內命婦典贊引
 亞獻及從享內命婦就門外位司贊帥掌贊先入就位
 女相者引尚儀典正女史女祝史女祝史以尚儀下女史充典女執
 樽罍篚罍者入自東門當壇南北面西上立定司贊曰
 再拜掌贊承傳凡司贊有詞掌贊皆承傳尚儀以下皆再拜訖尚儀
 以下各就位司樂帥女工人入就位典贊引亞獻終獻
 女相者引執事者司贊引內命婦內典引引外命婦俱
 入就位皇后停大次半刻頃司言引尚宮立於大次門

外當門北向尚儀版奏外辦皇后出次華蓋侍衛如常

尚服負寶陪從如式司言引尚宮尚宮引皇后凡尚宮前導皆司言先引入自

東門華蓋仗衛停於門外近侍者從入如常皇后至版

位西向立每立定尚宮與司言退立於左立定尚宮前奏稱請再拜退

復位皇后再拜司贊曰衆官再拜享官及內外命婦在

位者皆再拜其先拜者不拜尚宮前奏有司謹具請行事退復

位攝事女相者各引享官入就位立定掌贊曰再拜在位者皆再拜女相者進尚宮之左自右司謹具請行

事無駕至以下至此儀典樂跪舉麾凡取物者皆跪而取以興鼓奠物亦跪奠訖而後興

祝奏永和之樂以姑洗之均自後壇下享神三成偃麾

曼啟樂止凡樂皆典樂舉麾工鼓祝而後作偃麾曼啟而後止尚宮前奏稱請再

拜退復位皇后再拜司贊曰衆官再拜享官及內外命婦在位者皆再拜壇上尚儀跪取幣於篚興立於罇所攝事掌贊曰再拜在位者皆再拜尚宮引皇后正和之女祝史跪取幣於篚興立於罇所樂作皇后每行皆皇后詣壇升自南陛攝事女相者引皆尚宮作正和之樂六尚以下量人從升以下升皇后升壇北面立樂止尚儀奉幣東向進皇后受幣登歌作肅和之樂以南呂之均尚宮引皇后進北向跪奠於神座興尚宮引皇后少退北向再拜訖登歌止尚宮引皇后樂作降自南陛還版位西向立樂止初內外命婦拜訖女祝史奉毛血之豆立於內壝東門之外於登歌止女祝史奉毛

血入升自南陛尚儀迎引於壇上進跪奠於神座前興女祝史退立於罇所皇后既升奠幣攝事尚宮既升司膳出帥女進饌者奉饌陳於內壝東門之外皇后既降復位司膳引饌入俎初入門雍和之樂作攝事自後酌之饌至陛樂止女祝史跪徹毛血之豆降自東陛以出饌升南陛尚儀迎引於壇上攝事女祝史設於神座前籩豆蓋器先徹乃升設訖司膳帥女進饌者降自東籩既奠却其蓋於下尚宮引皇后詣壘洗樂作女相者引皇后至壘洗樂止尚儀跪取匱盥沃水司言跪取盤興承水皇后盥手又司言跪取巾於篚興進皇

乾隆十二年校刊

禮七十五

十四

后悅手訖司言受巾跪奠於篚司言跪取爵於篚興進
皇后受爵尚儀酌鬯水司言奉盤皇后洗爵司言受巾
皆如初皇后拭爵訖尚儀奠匱司言奠盤巾皆如常尚
宮引皇后樂作詣壇升自南陛樂止尚宮引皇后攝事
后至鬯洗以下至此儀但無皇
女相者引尚宮詣酒罇所詣酒罇所執罇者舉鬯尚儀
贊酌醴齊訖壽和之樂作皇后每酌獻及飲福皆作尚
宮引皇后少退北向立樂止尚儀持版進於神座之右
東向跪讀祝文曰維某年歲次月朔日子皇后某氏敢
昭告於攝事女祝持版祝云皇后某先蠶氏惟神肇興
蠶織功濟黔黎爰擇嘉時式遵令典謹以制幣犧齊粢

盛庶品明薦於神尚饗訖興皇后再拜初讀祝文訖樂
作尚儀進跪奠版於神座興還罇所皇后拜訖樂止尚
儀以爵酌上罇福酒西向進攝事女祝以爵酌鬯福酒
皇后再拜受爵跪祭酒奠與尚儀帥女進饌者持籩
俎進尚儀減神前三牲胙肉以取前脚各置一俎上又
以籩取稷黍飯共置一籩尚儀先以飯籩西向進皇后
受以授左右尚儀又以胙俎以次進皇后每受以授左
右皇后跪取爵遂飲卒爵尚儀進受復於坫皇后興再
拜訖樂止尚宮引皇后樂作降自南陛還版位西向立
樂止自此以上若攝事儀皆尚宮行皇后獻將畢典贊

乾隆十二年校刊
禮七十五

引貴妃詣盥洗盥手洗爵訖攝事則女相者典贊引貴

妃自東陞升壇詣象罍所執罍者舉冪貴妃酌盞齊典

贊引進神座前北向跪奠爵典贊引貴妃少退北向

再拜尚儀以爵酌盞福酒持爵進貴妃之右西向立貴

妃再拜受爵跪祭酒遂飲卒爵尚儀進受爵復於姑貴

妃再拜典贊引貴妃降自東陞復位如初貴妃獻將畢

又典贊引昭儀攝事女相者引詣盥洗盥手洗爵升酌

盞齊終獻如亞獻之儀訖典贊引昭儀降復位尚儀進

神座前跪徹豆興還饗所徹者籩豆各一司贊曰賜胙

掌贊唱衆官拜在位者皆再拜已飲福酒者不拜攝事

拜也永和之樂作尚宮前奏稱請再拜退復位皇后

再拜司贊曰衆官再拜在位者皆再拜樂一成止尚宮

前奏攝事女相者白請就望瘞位司贊帥掌贊就瘞埴西南位

尚宮引皇后樂作至望瘞位西向立樂止於衆官將拜

尚儀執篚進神座前取幣自北陞降壇西行詣瘞埴以

幣置於埴訖司贊曰可瘞埴東西各四人寘土半埴尚

宮前贊禮畢請就採桑位尚宮引皇后樂作詣採桑壇

升自西陞東向立樂止初白禮畢司贊帥掌贊還本位

親桑

皇后將詣望瘞位司贊引內外命婦採桑者俱就採桑

位內外命婦一品各二人諸執鉤筐者各就位皇后既至
 採桑位尚功奉金鉤自北陞升壇進典製奉筐從升皇
 后受鉤採桑典製奉筐受桑皇后採桑三條止尚功前
 受鉤典製以筐俱退復位皇后初採桑典製等各以鉤
 授內外命婦皇后採桑訖內外命婦以次採桑女史執
 筐者受之內外命婦一品各採五條二品三品各採九
 條止典製等受鉤與執筐者退復位司賓各引內外命
 婦採桑者退復位司賓引婕妤一人詣蠶室尚功帥執
 鉤筐者以次從至蠶室尚功以桑授蠶母蠶母受桑切
 之以授婕妤好婕妤好食蠶灑一簿訖司賓引婕妤還本位

尚儀前奏禮畢退復位尚宮引皇后還大次樂作入大
 次訖樂止司賓引內命婦內典引引外命婦各還其次
 尚儀典正以下俱復執事位立定司贊曰再拜尚儀以
 下皆再拜訖出女工人以次出其祝版燔於齋所

車駕還宮

皇后既還大次內侍版奏請解嚴將士不得輒離皇后停大
 次一刻頃搥一鼓為一嚴轉仗衛於還塗如來儀三刻
 頃搥二鼓為再嚴尚儀版奏請中嚴皇后服鈿釵禮衣
 五刻頃搥三鼓為三嚴內典引引外命婦出次就門外
 位司賓引內命婦出次序立於大次之前六尚以下依

式奉迎內僕進厭翟車於大次門外南向尚儀版奏外
 辦馭者執轡皇后乘輿出次華蓋侍衛警蹕如常皇后
 升車鼓吹振作而行內命婦以下乘車陪從如來儀車
 駕過內典引引外命婦退還第駕至正殿門外迴車南
 向尚儀進當車前跪奏稱尚儀妾姓言請降車輿還侍
 位皇后降車乘輿入侍衛如常內侍版奏請解嚴將士
 各還其所

勞酒

車駕還宮之明日內外命婦設會於正殿如元會儀
賀不上
壽為異

通典卷第一百十五

乾隆十二年校刊

通典卷一百十五 禮七十三

七

通典卷第一百十六

唐 京 兆 杜 佑 君 卿 纂

禮七十六 開元禮纂類十一 吉八

皇帝拜陵

將拜陵所司承制內外宣攝隨職供辦前發二日太尉告太廟如常儀將作先脩理拜謁之所及寢宮務極潔敬不得喧雜尚舍直長去陵十里所設行宮奉御鋪御座齋室如常儀守宮設從駕百官及皇親諸親并客使位及次如常儀尚舍又於拜陵所道西量設小次又於寢宮前之西南設大次東向如常儀守宮量設侍臣次

於大次西南設羣官應陪位者次於侍臣次之西南隨地之宜皆東向北上文官在北武官在南朝集使於武官之南尚食先備太牢之饌珍羞庶品務極豐潔太常牲牢及黍盛光祿司農滌棧及掌祠人供辦如式拜謁前一日皇帝至行宮詣齋室仗衛如式陵令以玉冊進御署訖近臣奉出陵令受訖奉禮設御位於陵東南隅西向其有山谷隱狹則隨地設位望陵而拜又設位於寢宮之內寢殿東階之東南西向又設百官位於陵所行從官及皇親諸親并客使等分方位於神道左右相對為首又設百官位於寢宮大次之前分方序立如常並隨地之宜拜謁日未明五刻諸衛量設黃

麾仗於陵寢陳布

其陵寢舊宿衛人各依本職掌不得移動

未明三刻行從

百官及諸皇親五等已上諸親三等以上并客使等應

陪位者俱就位侍中版奏請中嚴

其布位及進嚴典儀相贊設之

近仗

就陳如常未明一刻侍中版奏外辦皇帝素服乘馬以

出勅侍臣上馬曲直華蓋繖扇侍衛如常儀詣陵西南

小次所控馬以入少頃侍中版奏外辦皇帝步出次博

士引太常卿太常卿前導皇帝至位太常卿前奏請再

拜

博士與太常卿退立於後

皇帝再拜太常卿又前奏請再拜皇帝

又再拜奉禮曰再拜贊者承傳陪位者皆再拜又再拜

訖

凡贊拜進退皆通事舍人贊相以後准此

少頃太常卿前奏請辭皇帝再

拜又再拜奉禮曰奉辭贊者承傳陪位者再拜又再拜
太常卿引皇帝還小次乘馬出次勅侍臣上馬儀仗侍
衛詣寢宮皇帝從陵迴詣大次乘馬以入其仗衛等各
立以俟其行從百官及皇親諸親并客使等並依位序
立於大次之前所司嚴潔具酒饌侍中版奏外辦皇帝
步出大次博士引太常卿太常卿前導皇帝至寢宮南
門仗衛停於門外其應從入之官臨時奏聽進止博士引太常卿太常
卿前導皇帝入內門取東廊進至寢殿東階之東南西
面立定太常卿前奏再拜訖引皇帝升東階當神座前
北面再拜訖又當皇后神座前再拜訖入進省服翫拂

拭牀帳勅所司進太牢之饌加備珍羞陳設

若有太子諸王公主

陪葬柩城內者並於寢殿東廊下所司致祭功臣陪葬者於東廊下各奠饌布位量定獻官行事太常

卿引皇帝出詣酒罇所酌酒進

其罇皆陳於常戶外之東南如常儀皇帝

入奠酒三爵訖當神座前北向立太祝二人對持玉冊

於室戶外之右東向一太祝東向跪讀祝文訖皇帝再

拜又再拜若更進奠服翫即躬自執陳訖太常卿引皇

帝出戶當神座前北向立太常卿奏請辭皇帝再拜又

再拜訖太常卿引皇帝出中門太常卿前奏請權停

其官及行事官並其守宮使內侍官引內官率寢宮內人

出大門外奉候謁見訖皇帝出侍衛如常儀還大次少頃若猶宿即乘

馬還行宮若更向前陵卽於大次更進發皆近侍先奏取進止與仗

皇后拜陵

所司先設大次於寢宮之東隨地之宜東向鋪御座如常又設先朝妃嬪次於大次之南守宮設大長公主長公主及諸親婦人命婦等次於妃嬪之南皆東向及拜謁之處皆障以行帷前一日內謁者設中宮御位於寢宮東大次前近東東向又設先朝妃嬪以下位於御位西南各於其次之東皆東向行東面以北爲上司贊位於妃嬪東北東面掌贊二人在南差退皇帝發行宮後皇

后乘四望車如常行之式之大次改服假髻白練單衣

服內與引各引妃嬪以下就位立訖內侍版奏外辦司

言引尚宮尚宮引皇后每尚宮前導皆司言先引出就位尚服負琮寶以從如

式立定尚儀前奏再拜退復位皇后再拜司贊曰再拜

掌贊承傳諸陪位者皆再拜少頃尚儀又前奏請再拜

辭皇后再拜司贊曰再拜掌贊承傳諸陪位者皆再拜

尚宮引皇后還大次謁寢宮如常儀皇后初還大次內

典引各引陪位者退皇后拜陵訖於寢宮東大次改服

鈿釵禮衣若服常服臨時聽進止乘輿詣寢宮司服負琮寶以從

侍衛如常先朝妃嬪大長公主長公主陪後如常式至

宮北門降輿入大次皇帝既入寢宮尚宮引皇后侍從
如常詣寢殿前西階之西東面立其妃嬪公主等陪從
立於皇后之南皆東面北上又設司贊位於妃嬪東北
東面掌贊二人在南差退在位者立定尚儀前奏請再
拜皇后再拜司贊曰再拜掌贊承傳妃嬪以下皆再拜
訖尚宮引皇后升自西階入室妃嬪公主等仍立於階下詣先帝神
座前北面再拜訖尚宮又引皇后詣先帝皇后神座前
北面再拜訖復引皇后進省先后服翫訖引退西廡東
面立進食訖皇帝出尚宮引皇后從出降自西階復階
位尚儀奏再拜皇后再拜訖司贊曰再拜掌贊承傳

妃嬪以下皆再拜訖請皇后之大次更衣妃嬪以下皆
更衣皇后出寢宮北門乘四望車還行宮侍從如來儀

太常卿行諸陵

所司先擇吉日行日之朝車府令具輅車駕一馬清道
青衣團扇曲蓋繖扇俱詣太常寺門布列以候守宮先
於陵南百步道東設次西向北上右校令具翦除利器
以備灑掃太常卿公服乘車奉禮以下公服陪從到次
降車停便定奉禮設卿位於北門外之左西向陵官在
卿位東南執事官又於其南俱西面北上設奉禮位在
陵官之西西面贊者二人在南少退謁者引太常卿出

次就位贊引諸官以次就位立定奉禮曰再拜贊者承
傳在位者俱再拜謁者引太常卿贊引引諸官以次入
奉行畢謁者引復位奉禮曰再拜在位者皆再拜謁者
引太常卿贊引引諸官各就便坐少頃乘車發行次詣
諸陵奉行如上儀若應須灑掃及芟薙脩理皆卽隨事
處分

薦新於太廟

薦新之日太廟令帥齋郎灑掃廟之內外太官先饌所
薦之物於神厨若有酒者廟司設樽坵盥洗如式謁者引太常卿入立
於門東之內道北面謁者贊引稱再拜太常卿再拜進

饌者奉饌入自正門升自太階各詣於神座前

邊豆蓋

如訖降自東階以出謁者引太常卿升自東階詣獻祖

室戶前盥洗酌獻訖再拜又再拜

若無酒卽俱再拜

訖謁者引

太常卿復位謁者贊拜訖謁者引出

薦新物 附

冬魚藪筍蒲白韭堇小豆胥豆蘘荷菱人子薑麥索春
酒桑落酒竹根黃米粳米糯米梁米稷米茄子甘蔗芋
子鷄頭人苜蓿蔓菁胡瓜冬瓜瓠子春魚水蘇枸杞芙
茨子蕪大麥麵瓜油麻麥子椿頭蓮子栗榛甘子李櫻
桃杏林檎橘椹菴羅果棗兔脾麀鹿野鷄薦新物皆品

物時新堪供進者所司先送太常令尚食相知揀擇仍以滋味與新物相宜者配之以薦皆如上儀

有司享先代帝王

前享五日諸享官各散齋三日於正寢致齋二日於其

廟所如別儀

無廟者祭於壇其壇制准州社壇其祭官以當州長官充無以次通取也諸享

官致齋之日給酒食及明衣各習禮於齋所前享一日

所在縣官清掃內外整拂神座

無廟者享日未明縣官帥其屬入詣壇東陛升

設神座於壇上近北南向席以莞以後陳設行事依在廟之位

設配座於神座東南西

向席以莞又為瘞垢於廟後壬地方深取足容物贊禮

者設初獻位於東階東南亞獻終獻於初獻之南少退

俱西向北上設掌事者位於終獻東南重行西面以北

為上設贊唱者位於終獻西南西向北上設望瘞位於

廟堂東北西向又設贊唱者位於瘞垢東北南向東上

設享官以下位於南門之外道東重行西面以北為上

無廟者即設享官以下位於壇壝門之外道南重行北面西上祭器之數每座罇六籩

十豆十簋二簠三俎三縣官帥其屬升設罇於廟

堂上前楹間室戶之外北向正座之罇在西配座之罇

在東

罇皆加勺幕有坫以置罇

設幣篚於罇所設洗於東階東南北

向東西當東霤南北以堂深疊水在洗東篚在洗西南

肆實爵三中二在篚加勺幕執罇疊洗篚者各位於罇

疊洗篚之後享日未明烹牲於廚夙興宰饌者實祭器
 牲體牛羊豕皆載右胖前脚三節節一段皆載之後脚
 三節節一段去上節載下二節又取正脊脰脊橫脊正
 脅代脅短脅各二骨以餘皆不設簋實稷黍簋實稻粱
 籩十實石鹽乾魚棗栗榛菱芡鹿脯白餅黑餅豆十實
 韭菹醯醢菁菹鹿醢芹菹兔醢笋菹魚醢諸享官以下
 脾菜菹豚胎若土無者各以其類充之
 各服祭服三品毳冕四品繡冕五品緇冕六品元冕縣官帥其屬入實罇
 罇及幣每座之罇一實醴齊一實盎齊一實清酒其元酒各實於上罇幣用帛長丈八尺色用白也
 祝版各置於坫贊唱者先入就位祝與執罇疊篚者入
 立於庭重行北面以西為上立定贊唱者曰再拜祝以
 下俱再拜執罇者升自東階壇則升自東階以後倣此立於罇所執
 罇疊篚者各就位升自東階行掃除於上降掃除於下

訖各引就位質明贊禮者引享官以下俱就門外位少
 頃贊禮者引享官以下以次就位立定贊唱者曰再拜
 在位者皆再拜贊禮者進初獻之左白有司謹具請行
 事退復位祝跪取幣於篚各立於罇所掌饌者帥執饌
 者奉饌陳於南門之外壇則奉饌陳於東壝門之外贊禮者引初獻
 升自東階其壇則升自南階以進當神座前北向立祝後初獻升降皆准此
 以幣東向進初獻受幣祝還罇所贊禮者引初獻入跪
 奠於神座與出戶北向再拜贊禮者引初獻入當配座
 西壁下東面立祝以幣北向進初獻受幣祝還罇所贊
 禮者引初獻進東面跪奠於配座與退復位東面再拜

贊禮者引初獻降復位掌饌者引饌入升自東階壇則
南祝迎引於階上各設於神座前掌饌者帥執饌者各
復本位祝還樽所贊禮者引初獻詣壘洗盥手洗爵升
自東階詣酒樽所執樽者舉罍初獻酌醴齊贊禮者引
初獻入詣神座前跪奠爵與出戶北向立祝持版進於
神座之右東面跪讀祝文曰帝嚳云維某年歲次月朔
日子開元神武皇帝諱謹遣具官姓名敢昭告於帝高
辛氏惟帝能序三辰功施萬物式遵祀典敬以制幣犧
齊粢盛庶品祗薦於帝高辛氏尚饗○帝堯云敢昭告
於帝陶唐氏惟帝則天而行光被四表式遵祀典敬以

制幣云云配座云敢昭告於唐司徒惟公敬敷五教弘
贊彝倫率由舊章配享於帝陶唐氏云云○帝舜云敢
昭告於帝有虞氏惟帝道光七政績宣五典式遵舊章
云云配座云敢昭告於臯陶氏惟神爰定五刑載敷九
德率由舊典云云○夏王禹云敢昭告於夏王禹惟王
克平九土功施萬代式遵祀典云云配座云敢昭告於
伯益氏惟公贊敷下土克蕃庶物率由舊章配享於夏
王禹云云○殷王湯云惟王革命黜暴功濟天下式遵
祀典云云配座云敢昭告於伊尹氏惟公弼諧政道功
格天地率由故實云云○周文王云惟王受命作周經

緯天地式遵祀典云云配座云敢昭告於太公惟公純
德孔明翼成周室率由舊典云云○周武王云應天順
人克定禍亂式遵祀典云云配座云敢昭告於周文公
召康公惟公道光十亂功著分陝率由舊典云云○漢
高帝云神武膺期撫安區夏式遵祀典云云配座云敢
昭告於蕭相國惟公翼成漢業厥功惟茂率由舊章云
云初獻再拜祝進跪奠版於神座興還罇所贊禮者引
初獻官詣配座酒罇所取爵於坵執罇者舉罇初獻酌
醴齊贊禮者引初獻入東面跪奠於配座前興進立於
西壁下東面立祝持版入立於配座之左北面跪讀祝

文訖興初獻再拜祝進跪奠版於配位興還罇所贊禮
者引初獻出戶北向立祝各以爵酌清酒合置一爵一
太祝持爵進於初獻之右西向立初獻再拜受爵跪祭
酒啐酒奠爵興祝各帥執饌者以俎跪減神座前三牲
胙肉各取前脚第二節共置一俎上以授初獻初獻受
以授掌饌者初獻跪取爵遂飲卒爵祝進受爵復於坵
初獻興再拜贊禮者引初獻降復位於初獻飲福贊禮
者引亞獻詣壘洗手洗爵升自東階詣酒罇所執罇
者舉罇亞獻酌盞齊贊禮者引亞獻入詣神座前北面
跪奠爵興出戶北向再拜贊禮者引亞獻詣配座酒罇

所取爵於坫執樽者舉罍亞獻酌盞齊贊禮者引亞獻
入詣配座前東向跪奠爵興退於西壁下東面再拜出
戶北向立祝各以爵酌清酒合置一爵一太祝持爵進
於亞獻之右西面立亞獻再拜受爵跪祭酒遂飲卒爵
祝受爵復於坫亞獻興再拜贊禮者引亞獻降復位初
亞獻將畢贊禮者引終獻盥洗升獻飲福如亞獻之儀
訖贊禮者引終獻降復位祝各進神座前跪徹豆興還
樽所贊唱者曰再拜非飲福受酢者皆再拜再拜訖贊唱者又曰
再拜獻官以下皆再拜贊禮者進初獻之左白請就望
瘞位贊禮者引初獻就望瘞位西向立贊唱者轉立於

望瘞東北位初獻官拜訖祝各進神位前跪取幣興降

自西階

壇則降自南陛

詣瘞埽北南面以幣置於埽贊唱者曰

可瘞埽東西面各二人填土半埽贊禮者進初獻之左
白禮畢遂引初獻以下出贊唱者還本位祝與執樽壘
者俱復執事位立定贊唱者曰再拜祝以下皆再拜以
出祝版焚於齋所

祭中霤

季夏土壬日祭中霤於太廟之庭前祭三日諸祭官散
齋二日於正寢致齋一日於廟所如別儀前一日衛尉
陳設如常祭日未明十刻太官丞具特牲之饌未明一

刻太常令帥其屬入布神座於廟庭西門之內道南東
向席以莞設神座於座首設酒罇於神座東南設洗於
酒罇東南俱北向壘水在洗東篋在洗西南肆篋俱實
以巾爵
也奉禮設太廟令位於神座東南執事者位於其後俱
北向西上設門外位皆於東門之外道南重行北向以
西爲上質明諸行事之官各服其服良醜之屬入實罇
壘太官丞監實邊豆簠簋贊引引太廟令又贊引引執
事者俱就門外位太祝與執罇壘篋纂者先入詣神座
前西向再拜訖各就位立定贊引引太廟令又贊引引
執事者入就位贊引贊拜太廟令以下皆再拜太官丞

出詣饌所贊引進太廟令之左白有司謹具請行事退
復位太官丞引饌入太祝迎引於座首設於神座前訖
太官丞以下還本位太祝還罇所贊引引太廟令詣壘
洗盥手洗爵詣酒罇所執罇者舉纂太廟令酌酒贊引
引太廟令進神座前西向跪奠爵俛伏興少退西向立
太祝持版進於神座之右北向跪讀祝文曰維某年歲
次月朔日子開元神武皇帝謹遣具位姓名敢昭告於
中霤頰茲保養昨度以安式荷神功祇率常禮爰以特
牲薌合薌萁嘉蔬嘉薦醴酒明祀於神尚饗訖興太廟
令再拜太祝進奠版於神座俛伏興還罇所太祝以爵

酌福酒進太廟令之左北面立太廟令再拜受爵跪祭
酒遂飲卒爵太祝進受爵還樽所太廟令俛伏興再拜
贊引引還本位太祝進跪徹豆俛伏興還樽所太祝與
執樽壘篚者俱復位立定贊引贊拜太廟令以下皆再
拜贊引進太廟令之左白禮畢遂引太廟令以下出其
祝版燔於齋所

孟冬祭司寒

細冰開冰階

前三日諸祭官散齋二日於家正寢致齋一日於祭所
右校掃除祭所衛尉陳設如常祭日未明十刻太官丞
具特牲之饌未明刻郊社丞入布神座於廟北南向

設神位於座首又帥其屬設酒樽於座東南設洗於酒

樽東南俱北向壘水在洗東篚在洗西南肆

篚實以
帛爵

樽壘篚者各位於樽壘篚之後上林令設桃弧棘矢於

冰室戶內之右

祭訖遂
留之

奉禮設上林令位於神座東南

執事者陪其後俱重行西向北上質明上林令以下各
服其服郊社丞良醞之屬入實樽壘太官丞監實盪豆
簋簠贊引引上林令又贊引引執事者俱就門外位立
定太祝與執樽壘篚者先入立於神座前北向俱再
拜訖各就位贊引引上林令又贊引引執事者俱入就
位立定贊拜上林令以下皆再拜太官丞出詣饌所贊

引進上林之左白有司謹具請行事退復位太官丞引
饌入太祝迎於座首設於神座前訖太官丞以下還樽
所贊引引上林令盥手洗爵詣酒樽所執樽者舉罍上
林令酌酒贊引引上林令進神座前北向跪奠爵俛伏
興少退北向立太祝持版進於神座之右東向跪讀祝
文曰維某年歲次月朔日開元神武皇帝謹遣某官姓
名敢昭告於元冥之神順茲時令增冰堅厚式遵常典
將納凌陰謹以元牡秬黍嘉薦清酌明祀於神尚饗訖
興上林令再拜太祝進跪奠版於神座俛伏興還樽所
太祝以爵酌福酒進上林令之右西向立上林令再拜

受爵跪祭酒遂飲卒爵太祝進受爵還樽所上林令俛
伏興再拜贊引引還本位太祝進跪徹豆俛伏興還樽
所太祝與執樽壘篚者俱復位立定贊引贊拜上林令
以下皆再拜贊引進上林令之左白禮畢贊引引上林
令以下出其祝版焚於齋所

興慶宮祭五龍壇

將祭有司筮日如別儀前祀三日凡應祭之官散齋二
日致齋一日如別儀前祭二日守宮設祭官次於東壇
之外道南北向以西爲上設陳饌幔於內壇東門之外
道南北向太樂令設判懸之樂於壇南右校掃除壇之

內外前祀一日晡後一刻諸衛令其屬各以其方器服
守衛壇門清齋一宿奉禮設獻官位於壇東南西向執
事位於獻官東南俱西向北上設奉禮位於獻官西南
贊者二人在南差退設祭官以下門外位於東壇之外
道南每等異位重行北向以西爲上郊社令帥齋郎設
散爵五龍各二於壇上東南隅北向西上爵樽加勺爵有
設洗於壇東南北向壘水在洗東篚在洗西南肆篚實
爵執罇壘篚爵者各位於罇壘篚爵之後祀日未明十
刻太官令帥宰人以鸞刀烹牲於廚牲以未明三刻郊
社令帥齋郎各服其服升設五龍座於壇上近北南向

東上席以莞設神位各於座首未明一刻祭官以上各
服其服郊社令與良醞之屬入實罇壘太祝以幣置於
篚太官令帥進饌者實諸籩豆簋簠等設於饌幔內質
明謁者引獻官以下就門外位奉禮帥贊者先入就位
執罇壘篚爵者入當壇南重行北向以西爲上立定奉
禮曰再拜贊者承傳執罇壘篚爵者皆再拜訖自東陞
升立罇所各就位太樂令帥工人入就位謁者進獻官
之左白有司謹具請行事退復位協律郎跪俛伏興舉
麾工鼓祝乃以姑洗之均樂舞三成偃麾曼啟樂止奉
禮曰衆官再拜在位者皆再拜訖復位太祝取幣於篚

立於罇所太官令帥進饌者奉饌陳於東門之外謁者
引獻官詣南陛升北向立太祝以幣授獻官獻官受幣
登歌作以南呂之均謁者引獻官進北向跪奠幣於青
龍座前諸座皆太祝助奠俱畢獻官再拜訖登歌止謁
者引獻官降自南陛還本位太官令引饌入升自南陛
太祝迎引於壇上設饌於神座前訖降復位謁者引獻
官詣罍洗盥手洗爵訖引升南陛詣酒罇所執罇者舉
罍獻官酌清酒謁者引進神座前北向跪奠爵於青龍
之座太祝等助奠諸座俱畢少退北向立太祝持版進
於青龍座之右東向跪讀祝文曰祝文臨時制撰讀訖獻官再

拜太祝進跪奠版於神座俛伏興還罇所太祝以爵酌
福酒進獻官之右西向立獻官再拜受爵跪祭酒啐酒
奠爵興太祝帥齋郎進俎太祝跪減神前胙肉以授獻
官獻官受以授齋郎獻官跪取爵遂飲卒爵太祝進受
爵復於坫獻官再拜謁者引降復位太祝跪徹豆俛伏
興還罇所奉禮曰賜胙贊者唱衆官再拜在位者皆再
拜獻官不拜奉禮又曰再拜在位者皆再拜謁者進獻官之
左白禮畢遂引獻官以下出太祝以下復執事位立定
奉禮曰再拜太祝再拜訖出其祝版燔於齋所如沉玉於川臨

時別取進止

乾隆十二年校刊

禮七十六

通典卷第一百十六

通典卷第一百十七

唐 京 兆 杜 佑 君 卿 纂

禮七十七 開元禮纂類十二 吉九

皇帝皇太子視學

視學前一日所司灑掃學堂之內外尚舍設大次於學堂之後守宮設皇太子次於大次之東皆隨地之宜並如常儀尚舍設御位學堂上北壁下當中南向監司設講榻於御座之西南向設執讀座於前楹間當講榻北向尚舍又設皇太子座於御座東南西向設文官三品以上座於皇太子之南少退重行西面北上設武官三

乾隆十二年校刊

通典卷七十七 禮七十七

品以上座於講榻西南當文官重行東面北上設侍講
座於執讀西北武官之前東面北上其執如意者一人
面設論議座於講榻之前西階下典儀設版位皇太子
於東階東南西面執經於西階西南東面文官三品以
上於皇太子東南重行西面北上武官三品以上於執
經西南侍講執讀如意等於執經之後重行東面北
上學生分於文武官之後皆重行北上設典儀位於東
階之西贊者二人在南差退俱西面

出宮

前出宮三日本司宣攝內外各供其職其日應從駕

武官依時刻集於學堂諸衛陳設仗衛侍中版奏外辦皇
帝乘馬文武侍從並如常行幸之儀駕將至祭酒帥監
官學官學生等奉迎於路左學生青衿服駕至大次門外降
入如常

視學

皇帝既入大次執經侍講執讀如意等及學官各服
公服典儀帥贊者先入就位謁者贊引引文武三品以
上及執經以下學生等入就堂下位皇太子立於學堂
門外之東西向如常侍中版奏外辦皇帝出大次升自
北階卽御座南向坐侍臣及近侍量人從升典儀一人

升就東階上西面立舍人引皇太子就位立

諸衛率庶子等量人

從入立於皇太子

東南西向北上奉禮曰再拜贊者承傳皇太子以下

在位者皆再拜侍中跪奏稱請勅皇太子及公王等升

坐又侍中稱制曰可侍中詣東階上西面稱勅皇太子

及公王等升殿上典儀承傳階下贊者又承傳皇太子

以下應坐者皆再拜訖通事舍人引皇太子及羣官坐

者各升座訖

其公服者脫履於階下及降納皆如常

執讀讀所講經執經

釋義訖遂行如意侍講者執如意就論議座以次論難

侍中跪奏禮畢羣官皆起通事舍人各降堂下位若有

勅賜會則侍中前承制降詣堂下宣勅及太官下食案

等並如常儀皇帝降座還大次侍衛如常儀羣官以下

會訖皆出執經以下改服常服

學生仍青衿服

車駕還宮

皇帝既還大次侍中量時刻版奏外辦皇帝出次文武

官陪從還宮如來儀初駕出國子祭酒帥監官學官學

生等奉辭於路左如常式

皇太子釋奠於孔宣父

國學釋奠仲春仲秋釋奠於齊太公廟並附

齋戒

皇太子散齋三日於別殿致齋二日於正殿前致齋一

日典設郎設皇太子幄座於正殿東序及室內俱西向

乾隆十二年校刊

禮七十七

五

又張帷於前楹下

殿若無室張帷爲之

致齋之日質明諸衛率各

勒所部屯門列仗如常晝漏上水一刻左庶子版奏請

中嚴近仗就陳於閣外通事舍人引宮臣文武七品以

上袴褶陪位如式諸侍衛之官各服其器服諸侍臣並

結珮俱詣閣奉迎左庶子版奏外辦上水三刻皇太子

服通天冠絳紗袍結珮以出侍衛如常皇太子卽座西

向坐侍臣夾侍如常一刻頃左庶子前跪奏稱左庶子

臣某言請降就齋室俛伏興還侍位皇太子降座入室

文武侍臣各還本司直衛者如常典謁引陪位者以次

出凡應享之官散齋三日致齋二日

散齋皆於正寢致齋一日於本司一

日於享所其無本司者皆於享所

近侍之官應從升者及從享羣官監

官學官學生等各於本司及學館俱清齋一宿並如別

儀

國學及齊太公廟將享館司先申享日本司請下其禮所司隨職供辦凡應享之官散齋三日致齋二日

如別儀無皇太子散齋以下儀

陳設

前享三日典設郎設皇太子便次於廟東西向又設便

次於學堂之後隨地之宜守宮設文武侍臣次各於便

次之後文左武右設諸次享官於齋坊之內從享之官

於廟東門之外隨地之宜

國學設獻官以下次於齋坊太公儀同國學前享

二日太樂令設軒懸之樂於廟庭東方西方磬簾起北

鐘簾次之北方磬簾起西鐘簾次之設三罇鐘於編懸之間各依辰位樹路鼓於北懸之間道之左右植建鼓於三隅置祝敵於懸內祝在左敵在右設歌鐘歌磬於廟堂之上前楹間北向磬簾在西鐘簾在東其匏竹者立於堂下階間重行北向相對為首凡懸皆展而懸之諸工人各位於懸後右校掃除內外又為瘞埒於院內堂之壬地方深取足容物南出陞自設軒懸以下國學太公儀並同前享一日奉禮設皇太子位於東陞東南西向國學設三獻位於東門之內道北執事則近南西向北又設望瘞位於廟堂東北當埋埒西上太公儀同國學向望瘞與國學同設亞獻終獻位於皇太子東南執事太公儀並同

者各位於後俱重行西向北上國學無亞獻以下儀太公並同設御史位於廟堂之下西南東向令史陪其後設奉禮位於樂懸東北贊者二人在南差退俱西面又設奉禮贊者位於埋埒東北南面東上設協律郎位於廟堂上前楹之間近西東向設太樂令位於北懸之間北向自御史位以下與國學同太公儀同國學設從享官七品以上位國學則館官位太公儀設廟官位於樂懸之東當執事西南向監官學官位於樂懸之西當宮官東向國學則設學官位於懸西當館官東向太公廟設廟官位同設學生位於宮官監官學官之後俱重行北上國學學生位於學官館官後有觀者於南門內道左右相對設門外位為亞獻終獻位於東門之為首太公無學生

乾隆十二年校刊

通典卷一百一 禮七十七

五

外道南執事位於後每等異位俱北向西上國學設三

如常儀太公儀與國學同監官學官位於獻官東南國學則館官學

位從享宮官位於學官之東俱重行北面以西為上設

酒罇之位於廟堂之上先聖犧罇二象罇二山罇二在

前楹間北向先師犧罇二象罇二在山罇二在先聖酒罇

之東俱西上罇皆加勺罇有坫以置爵其先師之洗設

於東階東南亞獻之洗又於東南俱北向罇水在洗東

篚在洗西南肆篚實以巾爵執罇罍篚纂者各位於罇罍篚

纂之後設幣篚二各於罇坫之所典設郎設皇太子座

於學堂之上東壁下西向監司設講榻於北壁下南向

又設執讀者座於前楹間當講榻北向守宮設太傅少

傅座於皇太子西北南面東上若有令詹事以下坐則

向東侍講者座於執讀西北執如意者一人三館學官

非侍講者座於侍講者之西皆北面東上若有上臺三

品以上觀講者設座於侍講之北南面東上設論議座

於講榻之前近南北面設脫履席於西階之南東向掌

儀設版位宮官七品以上東階東南西向北上執經侍

講等於西階西南監官及學官非侍講者於侍講者之

後有上臺三品以上觀講者位於執經之北少退重行

皆東面北上學生分位於宮官學官之後皆重行北上

又設掌儀位於宮官西北贊者二人在南皆西向

國學無設

皇太子座

下至此儀 晡後郊社令帥齋郎以罇坩爨洗筐冪入設

於位

升堂者自東階

謁者引祭酒司業詣厨視濯漑

凡導引者每一曲一

逡巡太公儀引

贊引引御史詣厨省饌具

司業以下每事訖各還齋

所享日未明十五刻太官令帥宰人以鸞刀割牲祝史

以豆取毛血置於饌所遂烹牲

其牲用太牢二正座及先師首俎皆升右胖十

一體左邱明以下折分餘

未明五刻郊社令帥其屬及

廟司各服其服升設先聖神座於堂上西楹間東向

國學

設神座於廟室內西楹

設先師神座於先聖神座東北

南向西上

若前堂不容則又於堂外

席皆以莞設神位

各於座首

國學儀其七十二弟子名已具歷代祀先儒篇太公儀無先聖神座以下至此

出宮

國學無此儀太公同

前出宮二日本司宣攝內外各供其職守宮設從享宮

官次於東宮朝堂如常其日未明所司依鹵簿陳設於

重明門外奉禮設從享宮官位於東宮朝堂如常文武

宮臣七品以上依時刻俱集於次各服公服諸衛率各

勒所部陳設如式左庶子版奏請中嚴典謁引宮臣各

就位諸侍衛官各服其器服

左庶子負

俱詣闕奉迎僕

進輜車於西閣外南向

若須乘輦則聽臨時進止

內率一人執刀立

於車前北向中允一人在侍臣之前贊者二人在中允

之前左庶子版奏外辦僕奮衣而升正立執轡皇太子著具服遠遊冠乘輿以出左右侍衛如常儀內率前執轡皇太子升車僕立授綬左庶子以下夾侍如常儀中允進當車前跪奏稱請發引俛伏興退復位凡中允奏前跪奏稱具官臣某言訖俛伏興車動中允與贊者夾引以出內率夾車而趨出重明門至侍臣上馬所中允奏稱請車權停令侍臣上馬左庶子前承令退稱令曰諾中允退稱侍臣上馬贊者承傳文武侍臣皆上馬庶子以下夾侍於車前贊者在供奉官人內侍臣上馬畢中允奏稱請令車右升左庶子前承令退稱令曰諾中允退復位內率

升訖中允奏稱請發引退復位皇太子車動太傅乘車訓導少傅乘車訓從出延喜門不鳴鼓吹從享宮臣乘馬陪從如常儀

饋享

享日未明三刻諸享官各服祭服諸陪祭之官皆公服學生青衿服郊社令良醞令各帥其屬入實罇罍及幣儀罇實以醴齊象罇實以盎齊山罍實以清酒齊加明水酒加元酒各實於上罇其幣以白各長一丈八尺太官令帥其屬實諸籩豆簋簠俎等未明二刻奉禮帥贊者先入就位贊引引御史太祝及令史祝史與執罇罍篚幕者入白東門當階間重行北向西上立定奉禮

曰再拜贊者承傳凡奉禮有辭贊者皆承傳御史以下皆再拜訖執

樽罍篚筥者各就位贊引引御史太祝詣東階升堂行

掃除於上令史祝史行掃除於下訖引降還齋所奉禮

以下次還齋所國學掃除於下訖引就位謁者引享官

儀無學生位皇太子將至謁者贊引引享官及從享學

官等俱就門外位學生皆入就門內位皇太子至廟門

外迴車南向內率降立於車右左庶子進當車前跪奏

稱左庶子臣某言請降車俛伏興還侍位皇太子降車

乘輿之便次侍衛如常郊社令以祝版進皇太子署訖

近臣奉出郊社令受各奠於坫國學無皇太子將至以

未明一刻謁者贊引引享官宮官就門外位奉禮帥贊

者先入就位贊引引御史以下入就位國學無謁者以

太常令帥工人二舞次入就位文舞入陳於懸內武舞

立於懸南道西其升堂坐者皆脫履於下降納如常謁者引祭酒入就位

立定奉禮曰再拜祭酒再拜訖謁者引祭酒詣東階升

堂行掃除於上降行樂懸於下訖引還本位初祭酒行

樂懸謁者贊引各引祭官及陪祭之官次入就位國學

者引司業太公儀引亞獻皇太子停便次半刻頃率更令於便次門

外東向左庶子版奏外辦皇太子出便次侍衛如常儀

率更令引皇太子至廟東門中允進笏皇太子執笏近

侍者從入如常儀皇太子至版位西向立每立定率更令退立於左

率更令前啓再拜退復位皇太子再拜奉禮日衆官再

拜衆官在位者及學生皆再拜其先拜者不拜率更令前啓有

司謹具請行事退復位國學初司業行掃除訖謁者贊引各引享官以下學官以上次

入就位立定奉禮日衆官再拜衆官及學生皆再拜其

先拜者不拜謁者進祭酒之左白有司謹具請行事退

復位無停便次以下儀太公儀亞獻協律郎跪俛伏舉

掃除就位至入拜訖謁者白初獻協律郎跪俛伏舉

麾凡取物者皆跪俛伏而取鼓祝奏永和之樂以姑洗

之均自後堂下接神作文舞之舞樂舞三成偃麾戛敵

樂止凡樂皆協律郎舉麾工鼓祝率更令前啓再拜退

復位皇太子再拜國學無率更下至奉禮日衆官再拜

在位者及學生皆再拜太祝各跪取幣於篚立於罇所

率更令引皇太子永和之樂作皇太子每行皆作永和之樂國學引祭酒升東

階無樂下倣此太公廟謁者引初獻官皇太子自東階升左庶子以下及

左右侍衛量人從升以下皆皇太子升堂進先聖神座

前西向立樂止太祝以幣授左庶子左庶子奉幣北向

進皇太子搢笏受幣每受物搢笏奠訖執笏俛伏興登歌作肅和之樂

以南呂之均率更令引皇太子進西面跪奠於先聖神

座前俛伏興率更令引皇太子少退西向再拜訖率更

令引皇太子進先師首座前北向立又太祝以幣授左

庶子左庶子奉幣西向進皇太子受幣率更令引皇太

子進北向跪奠於先師首座俛伏興率更令引皇太子少退北向再拜登歌止率更令引皇太子樂作皇太子降自東階還版位西向立樂止初羣官拜訖各奉毛血之豆立東門外於登歌止祝史奉毛血升自東階太祝迎取於階上進奠於先聖及先師首座前太祝與祝史退立於罇所初皇太子既奠幣太官令出帥進饌者奉饌陳於東門之外初皇太子既至位樂止太官令引饌入俎初入門奏雍和之樂自後酌獻皆奏雍和之樂饌至階樂止祝史各進跪徹毛血之豆降自東階以出饌升太祝迎引於階上各設於神座前籩豆蓋羣先徹乃升簋設訖太

官令以下降復位太祝還罇所率更令引皇太子詣壘洗樂作皇太子至壘洗樂止左庶子跪取匱盥沃水又左庶子跪取盤盥承水皇太子盥手中允跪取巾於篚興進皇太子悅手訖中允受巾跪奠於篚遂取爵於篚興進皇太子受爵左庶子酌壘水又左庶子奉盤皇太子洗爵中允又授巾皆如初皇太子拭爵訖左庶子奠盤匱中允受巾奠於篚皆如常率更令引皇太子樂作皇太子升自東階樂止詣先聖酒罇所執罇者舉羣左庶子贊酌醴齊訖樂作率更令引皇太子進先聖神座前西向跪奠爵俛伏興率更令引皇太子少退西向立

樂止太祝持版進於神座之右北面跪讀祝文曰維某
 年歲次月朔日子皇太子某國學云開元神武皇帝謹遣祭酒某封姓名下同太
公儀云謹遣某官某封敢昭告於先聖孔宣父惟夫子固天攸縱
 誕降生知經緯禮樂闡揚文教餘烈遺風千載是仰俾
 茲末學依仁游藝謹以制幣犧齊粢盛庶品祇奉舊章
 式陳明薦以先師顏子等配座尚饗訖興太公祝云爰定六韜載成
七德功業昭著生靈攸仰俾茲末學克奉舊章謹以張留侯等配皇太子再拜初讀祝
 文訖樂作太祝進跪奠版於神座興還罇所皇太子拜
 訖樂止率更令引皇太子詣先師酒罇所執罇者舉罇
 左庶子取爵於坫進皇太子受爵左庶子贊酌醴齊樂

作率更令引皇太子進先師首座前北向跪奠爵俛伏
 興率更令引皇太子少退北向立樂止皇太子既奠首座爵餘座皆齋
郎助奠引相次而畢其亞獻終獻齋郎助奠亦如之太祝持版進於先師神座之
 左西面跪讀祝文曰維某年歲次月朔日子皇太子某
 敢昭告於先師顏子等七十二賢爰以仲春仲秋率遵故
 實敬脩釋奠於先聖孔宣父惟子等或服膺聖教德冠
 四科或光闡儒風貽範千載謹以制幣犧齊粢盛庶品
 式陳明薦從祀配神尚饗訖興齊太公配座張留侯等祝云惟子等宣揚武教
光贊韜鈴大濟生靈貽範千載云云皇太子再拜初讀祝文訖樂作太祝
 進跪奠版於神座興還罇所皇太子拜訖樂止率更令

引皇太子詣東序西向樂作太祝各以爵酌上罇福酒
合置一爵一太祝持爵授左庶子左庶子奉爵北向進
皇太子再拜受爵跪祭酒啐酒奠爵興太祝各帥齋郎
進俎太祝跪減先聖及先師首座前三牲胙肉皆取前
脚第二
骨加於俎又以籩豆取稷黍飯興以胙肉各共置一俎
上又以飯共置一籩太祝以飯籩授左庶子左庶子奉
飯北向進皇太子受以授左右太祝又以俎授左庶子
左庶子以次奉進皇太子每受以授左右訖皇太子跪
取爵遂飲卒爵左庶子進受爵以授太祝太祝受爵復
於坵皇太子俛伏興再拜樂止率更令引皇太子樂作

皇太子降自東階還版位西向立止文舞出鼓祝作
舒和之樂出訖戛敵樂止武舞入祝作舒和之樂立
定戛敵樂止初皇太子將復位謁者國學
調者引國子祭酒引司業下倣此
太公儀引亞獻詣壘洗盥手洗爵訖謁者引祭酒升自
東階詣先聖酒罇所執罇者舉罇祭酒酌盞齊訖武舞
作謁者引祭酒進先聖神座前西向跪奠爵興謁者引
祭酒少退西向再拜謁者引祭酒詣先師酒罇所取爵
於坵執罇者舉罇祭酒酌盞齊謁者引祭酒進先師首
座前北向跪奠爵興謁者引祭酒少退北向再拜訖謁
者引祭酒詣東序西向立太祝各以爵酌壘福酒合置

一爵一太祝持爵進祭酒之左北向立祭酒再拜受爵
 跪祭酒遂飲卒爵太祝進受爵復於坳祭酒與再拜謁
 者引祭酒降復位初祭酒獻將畢謁者引司業國學謁者引博
士下倣此太詣罍洗洗訖升酌盞齊終獻如亞獻之儀
公儀引終獻訖謁者引司業降復位武舞止太祝等各進踞徹豆與
 還罇所徹者籩豆各一奉禮曰賜胙賀者唱衆官再拜
 在位者及學生皆再拜已飲福永和之樂作率更令前
 啓再拜退復位皇太子再拜國學無干更令至再奉禮
 曰衆官再拜在位者及學生皆再拜采一成止率更令
 前啓請就望瘞位率更令引皇太子就望瘞位西向立

國學謁者引祭酒奉禮帥贊者轉就瘞埽東北向初在
太公儀引初獻位者將拜太祝各執篚進神座前跪以篚取幣降自西
 階詣瘞埽以幣置於埽訖奉禮曰可瘞埽東西廂各四
 人寘土半埽率更令前啓禮畢國學太公儀進率更令
 引皇太子出門還便次樂作國學謁者遂引祭酒出無
 皇太子出門樂止中允進受笏侍衛如常儀國學無
等儀太謁者贊引各引亞獻以下依次出初白禮畢奉
公儀同禮帥贊者還本位贊引御史太祝以下俱復執事位
 立定奉禮曰再拜御史以下皆再拜訖贊引引出學生
 以次出其祝版燔於齋坊

講學 國學儀無齊太公同

皇太子既入便次改服常服執經侍講執讀執如意等
 及三館學官並服公服學生仍青衿服餘皆常服掌儀
 帥贊者先入就位謁者各引羣官及學生等次入就位
 左庶子版奏外辦皇太子乘輿出便次若須乘馬臨侍時聽進止
 衛如常儀至學堂後降輿升自北階即座坐左右侍衛量人從升
太傅少傅各就座坐掌儀曰再拜贊者承傳羣官及學生等就位
 者皆再拜執經不拜左庶子跪奏請令執經等升俛伏興又
 左庶子稱令曰諾左庶子退降詣西階下立於執經等
 之前北面宣令曰執經以下並升坐應坐者皆再拜

不通事舍人引執經以下升各就座坐其升坐者皆脫履如式訖

執讀讀所講經執經釋義訖執如意者以如意授侍講
 侍講與受進詣論議座北面問所疑執經為通之訖興
 退以如意授執者退還本座執如意者以如意次授諸
 侍講者皆如上儀總訖左庶子跪奏禮畢羣官皆起通
 事舍人各引降復堂下位皇太子降座降自北階入學
 堂後便次羣官以次出執經以下改服常服學生仍青衿服

還宮

皇太子既入便次左庶子版奏請解嚴將士不得輒離部伍皇太
 子改服公服停便次一刻頃槌一鼓為一嚴有司轉仗

衛於還塗如來儀二刻頃又搥二鼓為再嚴左庶子版
奏請中嚴國子祭酒以下學生以上並出就學外道左
奉辭三刻頃又搥三鼓為三嚴僕進輅車於門外如常
左庶子版奏外辦皇太子乘輿出次學門外降輿乘車
侍衛如常左庶子奏請及車右升降侍臣上馬文武陪
從皆如來儀車動鼓吹振作如式至國子祭酒以下奉
辭處權停車國子祭酒以下皆再拜通事舍人承令宣
勞及拜皆如常車至城隅鼓吹止過廟鼓吹作至延喜
門鼓吹止入延喜門饒吹作至重明門宮官文武俱下
馬皇太子乘車入太傅少傅還皇太子至殿門迴車南

向左庶子跪奏請降車俛伏興皇太子降車乘輿入侍
臣從至閣門左庶子版奏請解嚴將士還本所

皇太子束脩 國學束脩附

束帛一篋 五匹 酒一壺 二斗 脩一案 五疋

其日平明皇太子服學生之服 學生青衿服國學儀並言學生下倣此 至

學門外博士公服執事者引立於學堂東階下西面相

者引皇太子 國學贊禮者引學生下倣此 立於門外之東西面 不自同於

賓客陳束帛壺酒脯案於皇太子之西面當門北向重行

西上將命者出立門西東向日敢請事皇太子少進曰

某方受業於先生敢請見將命者入告博士曰某也不

德請皇太子無辱

若已封王則云請王無辱
學生云請子無辱下做此

將命者出

告皇太子曰某不敢為儀敢固請將命者入告博士曰

請皇太子就位某敢見將命者出告皇太子曰某不敢

以視賓客請終賜見將命者入告博士曰某辭不得命

敢不從將命者出告執篚者以篚東面授皇太子皇太

子執篚博士降俟於東階下西面相者引皇太子執事

者奉壺酒脩案以從皇太子入門而左詣西階之南東

面奉酒脩者立於皇太子西南東面北上皇太子跪奠

篚再拜博士答再拜皇太子還避遂進跪取篚相者引

皇太子進博士前東面授幣奉壺酒脩案者從奠於博

士前博士受幣執事者取酒脩幣以東相者引皇太子

立於階間近南北面奉酒脩者出皇太子拜訖相者引

皇太子出

通典卷第一百十七

通典卷第一百十八

唐 京兆杜佑君卿纂

禮七十八 開元禮纂類十三 吉十

皇帝巡狩告圓丘 告社廟及歸格禮並附

齋戒

將告有司卜日如別儀 攝事同 前一日皇帝齋於太極殿

如郊祀之儀凡應告之官清齋於告所 告社齋於社所 告廟齋於廟所

近侍之官應從升者及羣官客使等各於本司及公館

各清齋一宿諸衛令其屬晡後一刻各以其方器服守

衛壘門 社則社門 廟則廟門 與太樂工人俱清齋一宿

乾隆十二年校刊 禮七十八

陳設

前告三日尚舍直長施大次於外壝東門之內道北南

向社則宮西門尚舍奉御鋪御座衛尉社則守宮設文

武侍臣次於大次之後文官在左武官在右俱南向設

告官及從駕羣官次各於常所設陳饌幔於內壝東門

之外道南北向社無饌幔前二日太樂令設宮懸之樂

於壇南社則於壇設登歌及舉麾位於壇上廟於殿上並如

常儀社自此則右校清掃內外前一日右校掃除壇之

內外郊社令積柴於燎壇方一丈二尺開上南出戶高

四尺社無燎壇奉禮設御位於壇之東南西向將告奉禮郎一

人守之在版位西南五步所西向社設御位於北門之內當社壇南向廟於東階東南西向設望燎

位當柴壇之北南向設告官及從駕羣官版位於內外

如常儀郊社令廟太廟令帥府史一人社二人及齋郎以罇

壘洗篚纂及玉幣之篚入設於位並如常儀廟酒罇位於堂上前

楹間各於室外之左北向每室春夏鷄彘一鳥彘一犧罇二秋冬羊彘一黃彘一著罇二皆加勺纂俱西上各

有坵以執罇壘篚纂者各位於罇壘篚纂之後告日未

明十五刻太史令郊社令設昊天上帝神座於壇上北

方南向席以藁秸設神位於座首廟太廟令整拂神幄又帥府史齋郎以罇

坵壘洗篚纂告日未明十刻太官令帥宰人以鸞刀烹

牲於厨社告日未明十五刻太官令帥宰人烹牲於厨

入設於位告日未明十刻太官令帥宰人以鸞刀烹

牲用黑牛二齋郎以豆取牲血如常未明四刻

乾隆十二年校刊

禮七十八

太史令郊社令各服其服升設神座席位如常廟每室各一饋

鑾駕出宮 社廟同

皇帝服袞冕之服乘玉輅備大駕及嚴鼓時奏請進發內外器服皆如常儀

親告 告社則薦玉帛及進熟告廟則晨裸及饋食

其日未明三刻諸告官各服其服郊社令良醞令各帥

其屬入實罇罍玉幣 太廟實以汎齊凡罇皆二其元酒幣以蒼社太壘實以醴齊配座上罇禮神之玉以蒼璧其

實於上罇玉兩珪有邸太祝各以幣置於篚幣隨牲色各長丈八尺晨裸鷄彘羊彘罇著罇之上實以明水鳥彘黃彘實以鬱鬯犧罇著罇實以醴齊太官

令帥進饌者實籩豆簋簠入設於內壝東門外饌幔內

社於中厨未明二刻奉禮帥贊者先入就位贊引引御史太

祝以下入行掃除如常儀訖各引就位 廟又未明一刻

太祝宮闈令入當階問北面西上立定奉禮曰再拜贊者承傳太廟令以下皆再拜升東階入開埽室奉出獻祖以下九室神主各置於座訖各就位駕將至謁者贊引各引告官以下

及從告羣官客使先置者俱就門外位駕至大次門外

迴輅南向領千牛將軍降立於輅右侍中進當鑾駕前

跪奏稱侍中臣某言請降輅俛伏興還侍位皇帝降輅

之大次協律郎太樂令帥工人各入就位 凡升壇坐者

降納如常社降輅之大次郊社令以祝版進署如常儀謁者贊引各引從駕羣官俱就門外位奉禮帥贊者先入就位贊引引御史及諸太祝與執罇罍篚罍者入就位太樂令帥工人各入就位通事舍人各引告官及從

告羣官客使次入就位升壇者脫屣如上儀太廟皇帝
 令以祝版進署通事舍人引從駕羣官就門外位
 停大次半刻頃謁者贊引引從駕羣官入就位太常博
 士引太常卿立於大次門外當門北向侍中版奏外辦
 皇帝服大裘而冕出次華蓋侍衛如常儀侍中負寶陪從如常社停
 大次太常博士引太常卿立於大次門外當門北向
 侍中版奏外辦皇帝出次華蓋侍衛如常告廟同博
 士引太常卿太常卿引皇帝凡太常卿前導皆博士先引至內壝門
 外社社宮北門外廟廟門外殿中監進鎮珪華蓋仗衛停於門外近
 侍者從入如常謁者引禮部尚書太常少卿陪從如常
 社無謁者引下皇帝至版位西向立每立定太常卿博
 至如常廟同社七退立於左告社
 儀皇帝南面立通事舍人各引從告官及諸王介公鄩公諸方

客使以次入就位立定

社無通事舍人各引下至此廟同社

太常卿前奏

稱請再拜退復位皇帝再拜奉禮曰衆官再拜贊者承

傳

凡奉禮有辭贊者皆承傳

衆官在位者皆再拜

其先拜者不拜

太常卿前

奏有司謹具請行事退復位協律郎跪俛伏興舉麾取

物者皆跪伏而取以興奠物則奠訖俛伏後興

鼓祝奏元和之樂乃以圓鍾之

均作文舞之舞六成偃麾戛敵樂止

凡樂皆協律郎舉麾工鼓祝而後作

偃麾戛敵而後止社奏順和之樂以函鍾之均樂八成

廟奏永和之樂以黃鍾之均樂九成黃鍾三奏大呂太

各再奏太常卿前奏稱請再拜退復位皇帝再拜奉禮

曰衆官再拜衆官皆再拜廟則農裸太常卿引皇帝詣

跪取匱與沃水侍中跪取盤與承水皇帝搢鎮珪盥手

黃門侍郎跪取巾於篚與進皇帝悅手訖黃門侍郎受

乾隆十二年校刊

禮七十八

中跪奠於篚黃門侍郎又取瓚於篚與進皇帝受瓚侍
 中酌鬯水又侍中奉盤皇帝洗瓚黃門侍郎又授巾如
 初皇帝拭瓚訖侍中奠盤匱黃門侍郎受巾奠於篚皆
 如常太常卿引皇帝詣獻祖罇所執罇者舉罇侍中贊
 酌鬱酒訖登歌作肅和之樂以園鍾之均自後登歌皆
 歌園鍾太常卿初引皇帝入詣獻祖神座前北向跪以
 鬯裸地奠之俛伏與太常卿所執罇者舉罇侍中取瓚
 於坵進皇帝受瓚侍中贊酌鬱酒訖太常卿引皇帝入
 詣懿祖神座前北向跪以鬯裸地奠之俛伏與太常卿
 引皇帝出戶北向再拜訖太常卿引皇帝次裸太常卿
 裸代祖高祖太宗高宗中宗睿宗並如上儀訖登歌止
 太常卿引皇帝樂作皇帝降自阼階至版位西向立樂
 止諸太祝俱取玉幣於篚各立於罇所廟無太祝取太
 常卿引皇帝太和之樂作皇帝每行皆皇帝詣壇升自
 南陛社升北陛以下近侍者從升如常儀皇帝升壇北

向立社南樂止太祝加玉於幣以授侍中侍中奉玉幣
 東向進社西皇帝受玉帛登歌作肅和之樂太常卿引
 皇帝進北向社南跪奠於天帝神座社太俛伏與太常
 卿引皇帝少退北向社南再拜訖登歌上樂作社又太
 皇帝立於東方西向太祝以幣授侍中侍中奉幣南面
 進皇帝進西向跪奠於后土氏座與太常卿引少退再
 拜訖登歌止皇帝降自北陛樂作太常卿引皇帝
 詣太稷壇升奠玉幣於太稷氏升降如太社壇 皇帝
 降自南陛還版位西向立樂止初羣官拜訖謁者引司
 徒太官令出帥進饌者奉饌陳於內壝東門之外司徒
 奉天帝之俎皇帝既至位樂止太官令引饌入俎初入
 門雍和之樂作饌至階樂止饌升於南陛太祝迎引於

乾隆十二年校刊
 禮七十八
 一上

壇上各設於神座前籩豆蓋罍徹之如式設訖謁者引司徒以下

降自東陛復位諸太祝各還罇所社儀皇帝奠玉帛訖

篇皇帝既升奠玉幣太官令出帥進饌者奉饌陳於西

門外司徒奉太社之俎初皇帝既至位樂止太官令引

太社太稷之饌入自正門后土后稷之饌入自左門俎

初入門雍和之樂作饌至陛樂止太社太稷之饌升自

北陛后土后稷之饌升自西陛諸祝迎引於壇上各設

於神座前廟儀於此有饋食篇皇帝既升裸太官令出

帥進饌者奉饌陳於東門外謁者引司徒出詣饌所司

徒奉獻祖之俎初皇帝既至位樂止大官令引饌入自

正門俎初入門雍和之樂作以無射之均自後接神皆

奏無射饌至太陛諸太祝迎引於階上樂止各設於神

座前設訖謁者引司徒以下降復位諸祝各還罇所太

常卿引皇帝詣壘洗樂作皇帝至壘洗樂止盥手洗爵

侍中黃門侍郎贊洗如晨裸之儀太常卿引皇帝樂作

升阼階樂止詣獻祖罇爨所侍中贊酌醴齊壽和之樂

作每酌獻皆作壽和之樂太常卿引皇帝入詣獻祖神

座前北面跪奠爵俛伏與出戶北向立樂止太祝持版

進於室戶外之右東面跪讀祝文祝又臨時撰讀訖與

皇帝再拜初讀祝文訖樂作太祝入跪奠版於神座與

出還罇所太常卿引皇帝詣懿祖罇爨所酌獻皆如初

儀唯不盥洗訖太常卿引皇帝詣東序西向立樂止

乾隆十二年校刊

通典卷百十八 禮七十八

六

籩豆蓋罍徹之如式

社儀皇帝奠玉帛訖

降還版位下有進熟

篇皇帝既升奠玉幣

太官令出帥進饌者

奉饌陳於西門外

司徒奉太社之俎

初皇帝既至位樂

止太社太稷之饌

入自左門俎初入

門雍和之樂作饌

至陛樂止太社太

稷之饌升自北陛

后土后稷之饌升

自西陛諸祝迎引

於壇上各設於神

座前廟儀於此有

饋食篇皇帝既升

裸太官令出帥進

饌者奉饌陳於東

門外謁者引司徒

出詣饌所司徒奉

立於司徒之後太常卿引皇帝詣天帝社云太社下倣此酒樽

所執樽者舉冪侍中贊酌汎齊社醴訖壽和之樂作帝

每酌獻及飲福酒皆作壽和之樂太常卿引皇帝進天帝神座前北向

跪社南奠爵俛伏興太常卿引皇帝少退北面立樂止

太祝持版進於神座之右東面社西跪讀祝文祝文臨時撰社

同訖興皇帝再拜初讀祝文訖樂作太祝進奠版於神

座還樽所社皇帝拜訖樂止太常卿引皇帝詣后土氏

常卿引皇帝詣太稷壇酒樽所酌獻西向奠爵讀祝文如上儀訖太

升降酌獻社太社儀太常卿引皇帝進天帝神座前

北面立樂作太祝以爵酌福酒合置一爵一太祝持爵

以授侍中侍中受爵西向進皇帝再拜受爵跪祭酒碎

酒奠爵俛伏興廟皇帝獻將畢謁者引司徒升白東階

一爵侍中贊立於前楹間北面諸祝各酌福酒合置

祭碎如常儀諸太祝各帥齋郎進俎太祝減神前胙肉

加於俎興以胙肉共置一俎上授司徒司徒奉俎西向

進皇帝受以授左右廟祝帥齋郎減胙肉又以籩取黍

徒奉進授皇帝以稷飯肉共一籩先以飯授司徒司

授左右次受胙皇帝再拜跪取爵遂飲卒爵侍中進

受爵以授太祝太祝受爵復於坵皇帝俛伏興再拜樂

止太常卿引皇帝樂作皇帝降自南陛社降北陛太常

事如太社訖降卿引詣太稷行還版位西向立樂止謁者引司徒降復

位太祝各進徹豆還樽所徹者籩豆各一少移於故處

室徹豆廟司徒復位登歌作諸祝入登歌止奉禮曰賜胙贊者唱衆官再拜在位者皆再拜

樂作太常卿前奏稱再拜退復位皇帝再拜衆官皆再拜樂一成止太常卿前奏請就望燎位社則就望燎位太常卿引皇帝樂作皇帝至望燎位社則就望燎位羣官將拜諸太祝各以篚進神座前取玉帛祝版齋郎以俎載牲體黍稷飯爵酒興各自其陛降壇南行當柴壇南東行自南陛登柴壇以玉帛饌物置於柴上訖奉禮曰可燎東西面各四人以炬燎火半柴社則降壇南當瘞壇西行諸祝以玉帛饌物置於壇奉禮曰可瘞壇東西面各四人實土太常卿前奏禮畢廟無望燎太常卿引皇帝出內壇門社出宮門殿中監前受鎮珪華蓋侍衛如常儀皇帝入次樂止謁者贊引引各從

告官及從駕羣臣諸方客使以次出贊引引御史以下

俱復執事位立定奉禮曰再拜御史以下皆再拜贊引

引出工人以下以次出社廟祝版燔於齋所

鑾駕還宮社廟同

皇帝既還大次侍中版奏請解嚴將士不得輒離部伍皇帝改服

通天冠絳紗袍乘金輅鼓吹振作奏請還宮如常儀

巡狩告圓丘有司攝事告社廟附

將告有司卜日如別儀社廟前二日守宮設告官以下

次各於常所設陳饌幔於內壇東門之外道北南向社無

設陳饌幔廟同社右校掃除壇之內外郊社令積柴於燎壇社為

乾隆十二年校刊

通鑑卷一百一十八 禮七十八

八

瘞垣二於壇北如常前一日諸告官清齋於告所社於

廟於諸衛令其屬捕後一刻各以其方器服守衛社於

廟則社宮門奉禮設版位於內外並如常儀廟又設望

之東北當瘞垣西向又設奉禮位於瘞垣東北瘞垣位於堂

南向贊者二人在西少退太廟令整拂神幄郊社令

帥其屬以罇坩罍洗篚纂入設皆如常儀執罇罍篚纂

者各位於罇罍篚纂之後太官令先具饌酒脯醢告日

未明四刻太史令郊社令各服其服升設神座位如常

廟無未明四刻以下儀未明三刻諸告官各服其服郊社令廟則

良醞之屬入實罇罍及玉幣天帝太罇二著罇二一實

次之山罍各二一實以元酒為上一實以清酒次之玉

以蒼幣以蒼社正座太罍二一實明水為上一實醴齊

次之配座象罇二其實亦如之皆山罍二一實元酒為

上實清酒次之玉兩珪有邸幣以黑各一丈八尺廟

每室春夏用兩犧罇秋冬用兩著罇一實明水為上一

實醴齊次之山罍二一實元酒為上一實清酒次之幣

以白長一丈八尺太祝以玉帛置於篚設於饌所社無饌

二刻奉禮帥贊者先入就位贊引引御史太祝以下入

再拜行掃除如常儀訖各就位社一刻廟又贊引引太

階間北面西上立定奉禮曰再拜贊者承傳太廟令以

下皆再拜升自東階入開垣室奉出獻祖以下九室神

-5 178 35 878" data-label="Text">

中各置於座如儀訖各就位謁者引告官贊引引執事

-45 178 5 878" data-label="Text">

者次入就位立定奉禮曰再拜告官以下再拜其先拜

-85 178 45 878" data-label="Text">

者不拜謁者進告官之未明一刻社廟則謁者引告官

-125 178 85 878" data-label="Text">

左白有司謹具請行事質明謁者引告官

-165 178 125 878" data-label="Text">

廟又贊引以下俱就門外位立定又謁者引告官贊引

-205 178 165 878" data-label="Text">

引執事者次入就位立定社無謁者以下奉禮曰再拜贊者承

傳凡奉禮有辭贊者皆承傳告官以下皆再拜謁者進告官之左白

有司謹具請行事退復位奉禮曰再拜在位者皆再拜

初謁者白請行事退復位太官令出帥進饌者奉饌陳

於東門之外社於西門初太官令出太祝跪取玉廟取幣於篚

興各立於罇所謁者引告官升自午陛北向立社升北陛南向

立太祝以玉東向授社西告官受玉進北面跪社南奠

於天帝神座俛伏興社奠少退北向再拜社謁者又引告官詣太稷

壇如太社之儀謁者各還本位太祝還罇所廟謁者引告官升自東階詣獻祖廟

於獻祖神座前俛伏興出戶北向再拜訖謁者引告官

引還本位諸太祝各還罇所太官令引饌入升自午

陛太祝迎引於壇上設於神座前奠豆蓋翬徹之如社饌入如止儀設

訖太官令以下降自東陛復位社西諸太祝各還罇所

謁者引告官詣盥洗盥手洗爵訖升自南陛詣天帝酒

罇所社告官詣太執罇者舉幕告官酌醴齊謁者引告

官詣天帝神座前北向跪奠爵俛伏興社進太前

退北向立太祝持版進於神座之右東向跪讀祝文社祝

臨時撰社西向訖興告官再拜訖太祝進跪奠版於神座興還

罇所告官拜訖謁者引告官進天帝神座前北向立社

詣太社前南面立廟太官令引饌入自正門升自太階

復位諸太祝引於階上各設於神座前訖太官令以下降

訖升自東階詣獻祖酒罇所執罇者舉幕告官酌醴齊

乾隆十二年校刊

通鑑卷一百一 禮七十八

訖謁者引告官入詣獻祖神座前北向跪奠俛伏興出
戶北向立太祝持版進於室戶外之右東向跪讀祝文
訖興告官再拜太祝進跪奠版於神座俛伏興還罇所
告官拜訖謁者引告官以次奠如獻祖之儀唯不盥洗
訖謁者引告官太祝以爵酌鬯福酒合置一爵一太祝
持爵進告官之右西向立社東向廟北向告官再拜受爵跪祭
酒遂飲卒爵太祝進受爵復於坵告官俛伏興再拜訖
謁者引告官降復位社告官拜訖別引詣太稷壇太祝
各進跪徹豆俛伏興還罇所奉禮曰再拜告官及在位
者皆再拜謁者進告官之左白請就望燎位社望燎位廟同社
謁者引告官就望燎位南向立廟西向立初衆官將拜太祝
以篚取玉幣及祝版置於柴上戶內瘞則奠於坵社祝版焚於齋坊廟同

社柴東西各四人以炬燎火半柴社則瘞左右四人謁者

進告官之左白禮畢謁者引告官贊引引執事者以次
出御史以下俱復執事位立定奉禮曰再拜御史以下

皆再拜贊引引出太廟儀初白禮畢奉禮贊者還本位御史太史以下俱復執事位立定奉禮曰再拜御史以下皆再拜贊引引出歸告禮同
太廟令太祝宮闈令納神主如常儀

皇帝巡狩

鑾駕出宮

將巡狩所司承制先頒告於東方諸州曰皇帝二月東
巡狩各修平乃守考乃職事無敢不敬戒國有大刑駕
將發告圓丘宗廟社稷皆如別儀皇帝出宮大備鹵簿

皆如常儀較於國門祭所過山川如親征之禮所經州縣刺史縣令先待於境通事舍人承制問百年古先帝王名臣烈士皆州縣致祭

燔柴告至

將告將作先於泰山下修圓壇四出陛

若先有封禪祀天壇即不須別

築前告三日尚舍直長施大次於外壇東門之內

又設文武

侍臣次陳饌位

設宮懸樂燎壇之制

一如圓丘之儀

前一日皇帝清齋

於行宮應告之官皆於告所清齋一日近侍之官應從升者及從告羣官諸方客使皆於其所俱清齋一宿諸衛令其屬晡後一刻各以其方器服守衛壇門與太樂

工人俱清齋一宿奉禮設御位於壇之東南西向設告

官司徒執事者御史奉禮贊者協律郎太樂令望燎位

東方諸州刺史縣令介公鄩公文武九品以上官諸方

客使蕃客等位並如上辛圓丘儀

其褒聖侯等亦如之

設告官以

下門外位於東西壇門之外道南皆如設次之式郊社令帥府史一人及齋郎以罇坩罍洗篚罍入設於位並

如常儀執罇罍篚罍者各位於罇罍篚罍之後告日未

明十五刻太官令帥宰人烹牲於厨

蒼牲一駢牲

未明四刻

太史令郊社令各服其服升設昊天上帝神座於壇上北方南向席以藁秸設高祖神堯皇帝神座於東方西

向席以莞設神位各於座首未明三刻諸告官以下各

服其服郊社令良醞令各帥其屬入實樽罍及玉天帝

二配帝著樽二俱實以汎齊其明水各實於上樽玉以蒼璧幣一丈八尺太祝以玉帛置於

篚太官令帥進饌者實諸籩豆簠簋等皆設於饌幔內

未明二刻奉禮帥贊者先入就位贊引引御史太祝以

下入行掃除如常儀訖各就位皇帝服袞冕乘輅發行

宮奏請進發內外器服如常儀駕將至謁者贊引各引

告官通事舍人引從告羣官東方刺史縣令諸方客使

俱就門外位駕至大門外次迴輅南向其降輅之大次謁者引告官及

從告羣官入就位皇帝奠玉帛等儀並如圓丘初皇帝既升奠玉幣太官令帥

進饌者

其奉饌奏樂之儀並如圓丘天帝之饌升自南陛配帝之饌升自東陛

諸太祝迎

引於壇上各設於神座前設訖謁者引司徒以下降自

東陛復位諸太祝各還樽所太常卿引皇帝詣罍洗樂

作

其盥洗酌獻奏樂讀祝之儀並如圓丘其祝文臨時撰

訖與皇帝再拜初讀祝

文訖樂作太祝進奠版於神座還樽所

其酌獻配帝奏樂讀祝之儀並

如圓丘

皇帝拜訖樂止太常卿引皇帝進天帝神座前北

向立樂作太祝各以爵酌福酒

其飲福受胙奏樂皇帝還版位之儀並如圓丘

謁者引司徒降復位太祝各進徹豆還樽所奉禮曰賜

胙

其眾官受胙皇帝望燎及太祝燎牲體玉幣皇帝還大次禮官工人次出等儀並如圓丘

變駕還行宮

皇帝既還大次侍中版奏請解嚴將士不得皇帝改服
通天冠絳紗袍乘輅奏請還宮如常儀

望秩於山川

柴之明日望秩祀於嶽鎮海瀆山林川澤邱陵墳衍原
隰將祭所司先爲壇於祭所其神皆以尊卑爲敘重行
南向前三日守宮設祭官以下次於東壝之外道南北
向以西爲上設陳饌幔於內壝東門之外道北南向前
二日太樂令設宮懸之樂於壇南設登歌於壇上皆如
常儀右校掃除壇內外又爲瘞瘞於壇北之壬地外壝
之內方深取足容物前一日諸祭官各清齋於祭所諸

衛令其屬晡後一刻各以其方器服守衛壝門與太樂
工人俱清齋一宿奉禮設祭官位於內壝東門之內道
北執事位於道南俱西向北上設御史位於壇下一位
於東南西向一位於西南東向令史各陪其後設奉禮
位於樂懸東北贊者二人在南差退俱西向協律郎位
於壇上在西陛之西東向設太樂令位於北懸之間設
望瘞位於瘞瘞之東西向設祭官以下門外位於外壝
東門之外道南每等異位北向西上設酒罇之位嶽鎮
海瀆各山壘二山林川澤俱蠶罇二邱陵墳衍原隰俱
散罇二各於壇上南陛之東北向西上

其嶽壇上加山
壘二壘置於山

樽東北向皆加勺設玉篚於樽坫之所設洗於壇南陞東南如
常執樽罍篚冪者各位於樽罍篚冪之後郊社令帥齋
郎以樽坫罍洗篚冪入設於位祭日未明十五刻太官
令帥宰人以鸞刀割牲齋郎以豆取牲血置於饌所遂
烹牲未明二刻太史令郊社令各服其服入設神座各
於壇上北方南向席皆以莞設神位各於座首未明一
刻祭官以下各服其服郊社令良醞令入實罇罍及玉
山罇實以醴齊罇實以沈齊散罇及山罇皆實以清
酒齊加明水酒加元酒各實於上罇祭神之玉以兩珪
有太祝以幣置於篚太官令帥進饌者實諸籩豆簠簋
等奉禮帥贊者先入就位贊引引御史太祝與執罇罍

篚冪者入自東門當壇南重行北向西上立定奉禮曰
再拜贊者承傳御史以下皆再拜訖執罇罍篚冪者各
就位贊引引御史詣壇東陞升行掃除於上令史祝史
行掃除於下訖引就位贊引明謁者引獻官贊引引執事
者俱就東門外位太樂令帥工人次入就位謁者贊引
各引獻官以下入就位立定奉禮曰再拜在位者皆再
拜謁者進獻官之左白有司謹具請行事退復位協律
郎跪俛伏興舉麾鼓祝奏順和之樂以蕤賓之均自後壇下
之樂皆奏姑洗樂三成偃麾戛敵樂止奉禮曰再拜獻官以下
皆再拜太祝取玉於篚立於罇所謁者引獻官詣嶽壇

升自南陛北向太祝以玉幣東向授獻官受登歌作肅和之樂以函鍾之均謁者引獻官進北面跪奠於嶽神之座俛伏興謁者引退北面再拜訖登歌止謁者引獻官降自南陛還本位初獻官升奠玉幣太官令帥進饌者奉饌陳於東門外登歌止太官令引饌入俎初入門雍和之樂作饌至陛樂止饌升南陛太祝迎引於壇上設於嶽神座前籩豆蓋罍徹之如式設訖太官令以下降自東陛以出太祝還罇所其鎮海以下之饌皆祝史迎於壇上設於神座前相次而畢訖謁者引獻官詣罍洗手洗爵訖謁者引升自南陛詣酒罇所執罇者舉罍獻官酌

醴齊訖樂作謁者引詣嶽神座北向跪奠爵興謁者引獻官少退北向立樂止初獻官進奠爵祝史各以爵酌奠鎮海以下還罇所太祝持版於神座之右東面跪讀祝文祝文臨時撰訖興獻官再拜初讀祝文訖樂作太祝進奠版於神座還罇所獻官拜訖樂止太祝酌罍福酒進獻官之右西向立獻官再拜受爵跪祭酒啐酒奠爵興太祝帥齋郎進俎太祝減神前三牲胙肉皆取前臠第二骨加於俎西向授獻官受以授齋郎獻官跪取爵遂飲卒爵太祝受爵復於坫獻官興再拜謁者引獻官降復位諸祝各徹豆如常訖還罇所奉禮曰賜胙贊者唱再拜在

乾隆十二年校刊

通典卷一百一十八 禮七十八

十六

位者皆再拜獻官不拜順和之樂作奉禮又曰再拜獻官以下皆再拜樂一成止謁者進獻官之左白請就望瘞位西向立於衆官將拜諸太祝各執篚進神座前跪取玉幣齋郎以俎載毛血等各由其陛降壇詣瘞埽以物置於埽訖奉禮曰可瘞埽東西各四人寘土半埽謁者進獻官之左白禮畢遂引出贊引引執事者以次出又贊引引御史太祝以下俱復執事位奉禮曰再拜御史以下皆再拜訖出贊引引工人以次出其祝版燔於齋所

肆覲東后

望秩之明日肆覲東后於告至之前刺史縣令皆先奉

見如常將作先於行宮之南爲宮壝方三百步面一門

爲壇於壝內三分壝二在南壇方九丈六尺高四尺四

出陛

南面兩陛餘三面各一陛

前二日太樂令設宮懸之樂於壇南

如殿庭之儀前一日尙舍鋪御座於壇上近北南向又

設解劔席於南陛之西南守宮於門外量設百官次文

東武西以北爲上東方刺史縣令次於文官之南蕃客

次於武官之南所司陳輦輅於壇南如常典儀設羣官

版位文官一品以下九品以上位於壇東南每等異位

重行西面以北爲上武官一品以下九品以上位於壇

西南當文官每等異位重行東面以北爲上東方刺史

縣令於壇南三分庭一在南每等異位重行北面以西
爲上若有蕃客則位於刺史之西每國異位重行北面
以東爲上設典儀位於南陛之東贊者二人在南差退
俱西向北上奉禮設門外位文官一品以下九品以上
位於門東每等異位重行西面武官一品以下九品以
上位於門西每等異位重行東面俱以北爲上設東方
刺史縣令位於文官之南每等異位重行西面以北爲
上蕃客位於武官之南每國異位重行東面以北爲上
其日未明三刻諸衛各以其方器服量設牙旗於壇外
四面未明一刻諸衛各勒所部列黃麾大仗屯門及鉞

戟陳於壇內如殿庭之儀羣官及刺史以下各集就次
服其朝服蕃客集次各服其服侍中版奏請中嚴近仗
陳於行宮門外諸侍衛之官各服其器服符寶郎奉寶
俱詣行宮門外奉迎典儀帥贊者先入就位吏部兵部
主客戶部贊羣官客使俱出次通事舍人各引就門外
位刺史縣令俱執贊通事舍人引就門外位贊各以其
土所有錦
綺繪布葛越之屬俱五兩爲
一束而執之仍飾以黃帕其餘當土常貢之物並盛
以筐其屬執之列於縣令位後通事舍人引文武官一
品以下九品以上先入就位侍中版奏外辦皇帝將出
仗動太樂令令撞黃鍾之鐘右五鐘皆應協律郎舉麾

工鼓祝奏太和之樂皇帝服袞冕乘輿以出曲直華蓋
警蹕侍衛如常儀皇帝入自北墮門由北陛升壇卽御
座樂止腰輿退其羽儀華蓋仍侍於御側通事舍人引
東方刺史以下入就位鴻臚引蕃客次入就位初刺史
入墮門懸下舉麾舒和之樂作至位立定樂止典儀曰
再拜贊者承傳執贊者俱跪奠贊興在位者皆再拜訖
跪收贊興凡拜奠贊皆如之侍中前承制降詣刺史東北西面
立稱有制蕃客則舍人承旨宣勅刺史以下皆再拜宣制訖又再
拜戶部引諸州貢物兩行各入於刺史位前東西陳之
龜爲前列金次之丹漆絲纊四海九州美物重行量陳

於後訖執物者各退立於東西廂文武前側立通事舍
人引刺史爲首者一人執贊詣解劔席跪解劔脫舄執
贊興舍人接引升壇詣御座前北面跪奏稱具官臣姓
名等敢獻壤奠遂奠贊俛伏興又舍人跪舉以東授所
司舍人引刺史降詣解劔席跪佩劔納舄興通事舍人
引復北面位初爲首者奠贊通事舍人引在庭者以次
奠贊於位前訖各俛伏興引退復位訖刺史以下俱再
拜戶部尙書進詣階間北面跪奏稱戶部尙書臣某言
諸州貢物請付所司俛伏興侍中前承詔退稱制曰可
尙書退復位所司受贊其執貢物各進執物所司引退

俱出東門初刺史將朝中書侍郎以諸州鎮表文別爲一案俟於西門外給事中以祥瑞案俟於東門外俱令史絳公服對舉案侍郎給事中俱就侍臣班初刺史將入門中書侍郎降引表案入詣西階下東面立給事中降引祥瑞案詣東階下西面立刺史將升奠中書令黃門侍郎俱降立於階下刺史執贊升階中書令黃門侍郎各執所奏之文以次升初戶部尙書奏退復位訖中書令前跪奏諸方表訖黃門侍郎又進跪奏祥瑞各還侍位侍郎與給事中引案退司儀曰再拜贊者承傳文武羣官刺史以下及諸國蕃客俱再拜訖通事舍人以

次引北面位者出就門外位侍中前奏稱侍中臣某言禮畢挽伏興還侍位皇帝興太樂令令撞蕤賓之鐘左五鐘皆應太和之樂作皇帝乘輿降自北陛警蹕侍衛如來儀入行宮樂止通事舍人引東西面位者以次出設會如正會之儀

考制度

朝覲之明日左右丞相以考制度事奏聞命太常卿採詩陳之以觀百姓之風俗命市納賈以觀百姓之所好惡命典禮者考時月定日同律觀禮樂制度衣服正之山川神祇有不舉者爲不敬宗廟有不順者爲不孝不

孝不敬者則長官黜以爵革制度衣服者為叛叛者長
 官有討有功德於百姓者加爵賞五月南巡狩至於南
 嶽如東巡狩之禮八月西巡狩至於西嶽加南巡狩之
 禮十有一月北巡狩至於北嶽如西巡狩之禮歸格於
 宗禰用特如別禮若告封禪如別儀

通典卷第一百十八

通典卷第一百十八

文化甲子

